

MOLAETS A OA MOHAU

 Kea u leboha, Moena Neville. Morena a u hlohonolofatse. Lumelang hoseng, metsoalle. Ruri ke monyetla ho fihla koano hape tšebeletsong ea Morena. 'Me ke masoabi ha re hloka sebaka ho kenya batho kerekeng e nyenyane. Ha e kenyen ba bakaalo. Empa re thabile haholo ha le tlife koano mona le ikemiselitse ho etsa sehlabelo, ho—ho re emela ka mamello. 'Me re tla sebetsa ka bokhoni bo khabane ho le tlisetsa Lentsoe la Morena ho le borella Lona ka bokhabane ba rōna. 'Me joale ke mpa feela . . .

² Leleiti lena le sa tsoa kena, le tšoere ngoana ea tlang ho khetheloa hoseng hona, a nto ba bona ba batla ba siloe ke nako, a re o tla ema feela. Ha ke eso bone mosali eo pele, empa ke rapela Molimo ho mo sitsa ho mo nea monono oa mahlohonolo a Hae pelōng ea hae, kahobane a ile a ema ka mamello.

³ Joale, ho atamela sehla se pholileng sa selemo 'me ha re sa tla futhumala hakana ha re hatélane ka kerekeng. 'Me re tsepile Molimo ho le sitsa bohole ka monono.

⁴ Joale ke lakalitse ho bua lintho tse 'maloa mona pele ke bua feela. Ke tsebisitse ke tla bua hoseng hona, ha Morena a ratile, ka temana ea *Meea Kahar'a Litsokotsane*. Feel O mphetoletse eona. Ha kea tseba seo ke tla se bua haese metsotsong e 'maloa feela pele ke etela kopano. 'Me ke khetlo labobelie ke leka temana eo, 'me ha kea fumana karabo ho Molimo. Ha ke tsebe lebaka. 'Na ka mehla, joaloka lōna bareri bohole mona le tseba, hoba le tlameha ho emela Morena ka seo le tlang ho se bua.

⁵ Maobane mantsiboea moleng oikhethileng, ke amohetse e—e mohala ho tsoa tlase koana Arkansas, e le batho ba batlang ho fallela koano vekeng ena, ba re ba utloetse re tla qala kopano ea *Litiiso tse Supileng*. Ke sa tsoa phethela *Mengoaha e Supileng ea Kereke*, ho baeti. 'Me monna oa hae o tla fihla Mantaha ho batla mosebetsi Louisville, a tle a sebetse haufi ho utloa *Litiiso tse Supileng* tseo. Ke itse, "Li ka qeta likhoeli tse ka bang tharō, mofumahali. Ha re na sebaka sa ho phatlalatsa kopano, le joalo-joalo, ha ho letho le ka e baballang motseng mona, ha ho letho le ka lulisan batho."

⁶ Ke lakalitse khetlo le leng, haele ntho e ka etsoang, ha Molimo a ratile, ho e hlophisetsa letšolo kae-kae, ho hlophisa kopano ea likhoeli tse ka bang tharō ke qale joalo ka litiiso tseo, kantle koana letšolong. 'Me batho ba ka lula khabareng ea eona.

⁷ Ka Mona, e qala ho Tšenolo khaolo ea 6, ho tsoella ka ea 19. Le fumana litiiso tse supileng, likotlo tse supileng, likotsi tse tharō, mosali ea kaletseng sebata se 'mala oa sekarelata, le ba likekholo mashome a mane a metso e mene. Oh, li ngata lintho

tse lohanang le hoo pele ho Tiiso ea Bosupa, ho tšolloa likotlo tse supileng, ho letsoa literompeta tse supileng. 'Me ke lintho tse ngata hakana tse lohanang le hoo hohle 'moho, 'me e 'ngoe le e 'ngoe ea tsona ke thuto e khōlō ea letsatsi ka bo-eona.

⁸ Joale ha re inamiseng lihlooho tsa rōna nakoana feela thapelong. Pele re rapela, ba teng ba ratang ho hopoloa thapelong ena, le ka e tsebisa ka ho phahamisa matsoho a lōna. 'Me pelōng ea lōna, ho Molimo u hopole seo u se hlokang joale. 'Me ke Mo rapela ho le nea eona.

⁹ Molimo o Matlaohle Ramehauhelo, U leng Molimo o arabang thapelo, Ntate ea tsebang tsohle tseo bana ba Hae ba li hlokang. U re tsebile le pele re tsoaloa, 'me U balile mehato ea rōna, ho baliloe le eona meriri ea rōna, mantsoe a rōna a lekantsoe sekaleng sa Hao. Ka hona, Morena Molimo, hoseng hona re lemosoe ka lintho tsena, tlameho e mahlonoko ena ea rōna ka pel'a Hao.

¹⁰ Matsoho a mangata ao a phahameng mona hoseng hona, phuthehong e nyenyane ena, mohlomong a ne a reretsoe pholiso ea mebele ea bona e kulang, moratuoa ea lahlehileng. Lipelō tsa bona li tsebjoa ke Uena le tsohle tse kahar'a tsona. Hoba, mohla U nong u eme holim'a lefatše mona, ka sebopeho sa motho ea bitsoang Jesu, Morena oa rōna, U tsebile lona lekunutu la pelō. Sohle seo batho ba kileng ba se hopola mehopolong ea bona, U ka ba bolella seo ba se hopotseng, "Hobane'ng le seba lipelōng tsa lōna le bolela lintho tsena?" Jesu o tsebile mehopolo ea bona. 'Me re balile Lengolong hoba esale Uena maobane, kajeno, le ka mehla. 'Me ho boetse ho ngoliloe ho thoe, "Moo ba le babeli kapa ba le bararō ba kopaneng 'moho, Ke tla ema har'a bona." U mona hoseng hona ke hona, ka sebopeho sa Moea o Halalelang, mehopolo eohle e pelōng tsa batho e pepenehile.

¹¹ Kea U rapela, Ntate Molimo, hore U bue le bona ho re, "Ho phethehile. Kopo ea hao e arabetsoe, 'Me kajeno Ke—Ke u romella kholiso e reng sohle seo u se kopileng se arabetsoe."

¹² Molimo, haholo re hopola ba sa bolokehang, ba phahamitseng letsoho la bona. Ba amohele Kreste e le 'Moloki oa bona horenq ena.

¹³ Pele likopano li phetheloa kajeno, ho etsahale ho hong, Morena, se tla atametsa Boteng ba Hao haufi le batho ba be ba tsebe hobane Jesu ea tsamaileng Galelea o eme har'a batho, ba tlohe mona kajeno ka kholiseho e tšoanang le ea ba tsoang Emmause mohlang oo. Mohla ba khutlileng, ba tsamaile le Eéna letsatsi lohle, ba buisana le Eéna, le Eéna a buisana le bona, feela ba sa hopole le hanyenyane e ka ba Eéna.

¹⁴ Oho Molimo, khafetsa re etsa joalo. U buisana le rōna ka letsatsi le likelang, ka melōli ea linonyana, ka mahlaku a hobang, ka lipalesa tse thunyang, ka liféla tsa kereke, 'me re batla re sa U

lemohe. Liphaposing tsa bakuli ba kokelong, litulong tse ngata, U buisana le rōna 'me re batla re sa lemohe hoba ke Uena.

¹⁵ Joale, Morena, ha re boela malapeng a rōna hoseng hona, rōna, joaloka ka bona, re ke re elelloe, kajeno U etse se seng hara rona joaloka ha U entse morao mono. Eaba ba tseba ntho eo U e entseng ka pel'a bona mono. U e entse pele ho thakhiso, 'me ba tsebile hoba ke Morena ea tsohileng. Ba khutletse lihlopheng tsa bona, ba nyakaletse ba rorisa Molimo, ka ha ba tsebile A phela. 'Me ba itse, "Ana lipelō tsa rōna li ne li sa chese ka hare ho rōna ha A ntse a buisana le rōna tseleng?" Morena, mohla U nong u hlaha mono U etsa ho tšoanang le ho entsoeng pele ho thakhiso ea Hao, hoo ho pakile tsoho ea Hao, hore U ne u le Jesu ea tšoanang, ea ba thusitseng ho hopola puisano eohle ea bona le Uena. U buisane le rōna veke eohle, Morena. Joale bonahala har'a rōna le ho Itsebisa pelō e 'ngoe le e 'ngoe e hlokang. Hoba re e kopa ka Lebitso la Jesu, le bakeng sa Hae. Amen.

¹⁶ [Khaitseli e mong o bua ka leleme le sa tsebjoeng. Sekheo lebanteng. Moena e mong o a fetola—Mohl.]

¹⁷ Joale phutheho e tla rapela. [Moena Branham o rapela le phutheho 'moho—Mohl.]: Ntata rōna ea Maholimōng, Lebitso la Hao le khethehe. Ho tle 'Muso oa Hao. Thato ea Hao e etsoe lefatšeng, joaloka ha e etsoa Lehelimōng. U re fe kajeno bohobe ba rōna ba letsatsi le leng le le leng. 'Me U re tšoarele melato ea rōna, joaloka ha re tšoarela ba nang le molato ho rōna. 'Me u se ke ua re isa molekong, u mpe u re loele bobeng. Hobane 'Muso ke oa Hao, le matla, le khanya, ka mehla. Amen.

¹⁸ Hola lesiba la ka e le kepa ea 'metlatšoantšo le pampiri ea ka e le lehakoe le thata, 'me Mantsoe ao ke a buang joale, a ka betloa holim'a lona A romelloa batho bohle.

¹⁹ Moea o Halalelang oa Molimo o sebetsa le batho ba Hae ka mokhoa o hlollang. Hangata ka meeka le ka lineo le ka lipitso, tse sa tlisoeng ke pakō, tseo Molimo o li fang batho ba Oona ka mohau oa Oona.

²⁰ Ke lapeng joale, e batla e le phomolo e nyenyane. Ka tloaelo ke sebelisa nako ena lapeng, ka nako ena ea selemo, ka ha ke rata ho roba monakeli ka ho tsoma mesamane ea lifate. 'Me eare ke sa theohetse Kentucky le metsoalle ea ka vekeng ena, ho tsoma mosamane oa lifate, e leng boithapollo ba ka ba seholoho. Ke batla ke nyahame, e seng kahobane ke sa fumane mesamane ea lifate, ka mpa ka ikutloa ke nyahame. Ntho ea mpolella ho khutlela lapeng. 'Me ha ke khutla ka robala ka koloing.

²¹ Ngoahola, joaloka ha le tseba bohle, taba e hlahang mongolong le ka bopaki le mabanteng. Mohla ke lutseng tulong e itseng mona Indiana eaba Morena Molimo o theoha a buisana le 'na, ha thoe, bosebeletsi ba ka ba bobeli, bo tla hlakisoa haufinyane. 'Me eaba ho botjoa mesamane e merarō ea lifate ka lentsoe. Bohle le tseba pale eo, kea kholoa. Ka mokhoa o itseng,

ha ke nyoloha ka tsela ka . . . hoba ke tlose bashanyana bohle, ho ea tsoma, ka—ka fumana maikutlo a hlollang ho chakela tulo ena hape. Letsatsi le eso chabe, pula e na, 'me ke sa tsebe haeba ba tla tsoma kapa che, empa ka re ke tla kena ka ntlo koana naheng. Ho *tsoma* ho bolela "ho kena boinotšing, ho rapela." 'Me ka emisa koloi ka tsoa ke parola tsela ka kena sehlahleng se seng, 'me e le pejana letsatsi le ka chaba, mafube, a batla a pulufetse.

²² Ke ile ka ema ka hlahisa poleloana ea thapelo, ka tloaelo, ke bolella Ntate, ho re, "Ho hlahisa feela, seo ke se hlokang." Ha ke lumele ho senya letho, kapa ho timeletsa; bophelong ba ka ha ke eso thunye nonyana ho ikoetlisetsa ho nepa tekele, kapa ntho efe esele. Seo ke se tsomang, kea se ja, kapa ke se fa motho ea se jang. Ha ke lumele ho senya ntho efe. Ha ke lumele ho etsa lintho tseo, hobane ha ea loka.

²³ Ha ke kheloha ke kena tselaneng ea tloaelo haufi le makhulo a lohang tlhaku ea L ho kena morung, eaba ho hlaha mohlolo. Boiphihlelong ba ka bohle, ha ke eso hlaheloe ke ntho e kang eona. Ka sheba ho le letše hali la ka hlorong ea leralla ho tsoa moo ke emeng, 'me mono, ho tsoa tlhorong ea leralla, ha hlaha meokoli e merarō. 'Me e takiloe bophahamong ba maoto a batlileng ho ba mashome a mararō. Pele, ka sheba 'me ka bona Leseli eaba ke khutlela morao, ka hopola e le letsatsi le chabang. Mohopolo oa bobeli oa mphihlela, e ne e se moo letsatsi le chabang teng, e ne e le nqa boroa. 'Me ntho e 'ngoe, ho tšoloha pula e elileng, maru a koahetse, pula, e na hohle. E le Phato oa la mashome a mabeli a metso e mehlano, hoseng ha Labohlano le fetileng, le tseba kamoo pua e neleng kateng. 'Me hohle ho thibile maru a borelei.

²⁴ 'Me ka sheba hape. 'Me mono, o ntse o lelefala le ho lelefala, meokoli e merarō. Ka rutla katiba ea ka. Ka beha sethunya sa ka fatše. Ka le atamela ke phahamisitse matsoho a ka. Ea ka ntho e re ho 'na, "Bona ke bohaufi bo lekaneng." Ke tla lula fatše ho rola libutšu tsa ka, ho bona haeba nka atamela haufi ho feta. Empa ka o atamela lijarete tse 'maloa 'me ka bona 'mala oa 'ona, e ka mohuli o phetheselang. Ka ema nakoana e itseng feela. O ne o hlaha hantle tlhorong ea thaba e nyenyane. 'Me ka talima, nakong eo borarō ba eona (o mong ho le letona, o mong ho le letše hali, le o mong hare) ea ralla e bopa ho kang polokoe e le 'ngoe. E bang e ne e le eng, e ne e phela, E ntse e phethoha 'me E ntse e bilikana. 'Me ka ema mono feela e batla e le hoseng, ho pulufetseng.

²⁵ Ka retoloha ka talima hape, 'me ka hoeletsa, "Oho Molimo, U rata ho tsebisa mohlanka oa Hao eng?"

²⁶ Nakong eona eo Moea oa Morena oa kena oa re, "Jesu oa Testamente Ncha ke Jehova oa ea Khale, O mpile a fetola lesira la Hae ho tloha ho Moea ho ea ho Monna." E ne e le ho thasisetsa, ehlile, Molaetsa oa ka oa Hae. Ho ntsebisa, ho ntiisetsa hoba

lilemo tse mashome a mararō tsena tse motso o mong ha se tsa lefeela.

²⁷ Ha ke qala ke atamela, Oa qala oa sutha, 'me oa kena nthong ena e kang polokoe, oa nyamela. Ka atamela haufi. Ke tšaba ho atamela haufi ho feta moo, hobane A nkemisa le pele ke fihla mono.

²⁸ Ka retoloha 'me ka lemoha hoba Leseli leo, mokhoa oo Le nchabetseng, le ne le lebahane hantle le sefate seo ke neng ke lutse ho sona ngoahola, moo mesamane ea lifate e hlahileng teng. Ka mora metsotso e batlileng ho ba mashome a mararō le metso e mehlano kapa e mashome a mane, ka pholletsa merung ka parola molatsoana tlase le joalo, ka fihla sefateng se arohanang likhutlo tse 'ne (bochabela, leboea, bophirimela, le boroa), lintlha tse 'ne tsa sefate, tse tsoang. 'Me ka hloella mokokotlo ona, ka lula moo A mphileng Lengolo leo ke lutse teng, "Ha u ka re ho thaba ena, 'Sutha.'" Eare ke sa eme mono nakoana, ke sa nahana ka mookoli, ke se ke o lebetse. Ka ema mono. 'Me sena ebile selemo se sebe sa ho tsoma mesamane ea lifate, ntho e 'ngoe le e 'ngoe e siilo ke nako, mesamane ea lifate ha e eo.

²⁹ Ka nahana, "Hantle mona ke hona moo Molimo a mphileng mesamane eo ea lifate ngoahola, ho li bopa ka lentsoe." Ka rola katiba ea ka hape, 'me ka re, "Morena Molimo, U sa le Jesu ea tšoanang. U sa le Molimo."

³⁰ 'Me Ntho ea re ho 'na, "U hloka e mekae khetlong lee?"

³¹ Ka re, "Joaloka ha ke entse mohlamonene, palo e baliloeng." 'Me eaba ke re, "Ke tla fumana palo e baliloeng ena pele ho hora ea leshome kajeno." 'Me leha e bonahala e makatsa, hantle lekhatheng leo ka kena lebatooeng le lebe la monoang, le phetheselang menoang, 'me e batla e le mohlaka, eaba monoang oa motonana o tla o ntoma pel'a leihlo, 'me ka re, "Tsatsing lena ha ho le o mong o tlang ho ntšoenya," ke sa tšoara senyanyatsi se o lelekang kapa letho. 'Me, le pele nka tseba, ka re, "Letsatsi le tla chaba nakong ea metsotso e mashome a mararō."

³² 'Me ke sa tsoa rialo, hantle feela ka mora ka, mosamane o tšoanang le oa ngoahola hantle, o mocha, o mofubelu, oa qhomela lekaleng bohole ba lijarete tse ka bang mashome a supileng 'me oa qala oa bohola. Ka retoloha. Bohole bo bokaalo, ke batla se sa khone feela, ka galase e matla ea sek'houpu, ho bona leihlo la sona. Ho thunya feela, ke phetho, ke sa koba le leihlo ho tobisa tekele, haese holim'a mosamane feela. 'Me eaba tholoana e otla leihlo botsekeng joaloka ha e entse mohlamonene.

³³ Ka tloseletsa ke theoha har'a moru joalo. 'Me hantle metsotsong e merarō ea leshome, ka thunya mosamane oa ka oa borarō, joaloka ngoahola feela, ka ho tšoana hantle feela. Metsotsong e merarō pele ho leshome. Molimo, ke Moahloli oa ka a inotši, ha ho a ka ha bobola le monoang o le mong letsatsi

lohle, athe mono e ahile ka litone tsa eona, kea kholoa, hola e ka lekanngoa ka sekala. 'Me ha kea bona letho kapa ho utloa o mong. Ke ne ke e mametse, ho bona haeba nka khona. 'Me ka utloa ntho e hobang, ka nahana, "O mong o teng nqa e 'ngoe," 'me ha ke mameisa ke ha e le lori, motše koana 'milakholong. 'Me metsotso e mashome a mararō ho tloha nakong eo, letsatsi la chaba hantle 'me le k'hatsima.

³⁴ Eaba ke khutlela tulong eo. 'Me ke ntse ke nahanne, ha ke itse "tekanyetso," e bolela *mesamane e mehlano*, e leng tekanyetso ea Indiana. Empa le hopole ngoahola, mohla A mpotsang palo e qositseng ho mpha lijo, ka re, "tharō," eaba ke fumana e merarō feela. Eaba ke khutlela teng maobane, tulong eona eo hape, 'me Ntho ea re, "U se ke ua ea. Tšela tsela."

³⁵ 'Me ka hora ea leshome holim'a hlooho, le phuoaneng hantle, hora ea leshome ka tšupanako ea ka, ka thunya tekanyetso ea Indiana, sehlora sa bohlano. Ke batla le lemohe meokoli e merarō eo, 'me ho builoe lintho tse tharō, ha fumanoa mesamane e merarō. Ho bile le lintho tse tharō: mesamane e merarō ka hora ea leshome, ha ho menoang, letsatsi le tla chaba metsotsong e mashome a mararō. 'Me e pakiloe ke lipaki tse tharō: Moena Banks Wood, mora oa ka Billy Paul, le mora oa hae David, ho e pakela.

³⁶ Mohla ke ne ke bona meokoli eo, e batla e le bophara ba selikalikoe sane, Lengelo leo la Morena, empa e merarō ea matha e bopa o le Mong. Oh, e thusitse pelō ea ka hakakang, ho tseba hobane Molimo, Jesu ha se monna feela eo batho ba Mo hopolang e le eéna, moporofeta feela, kamoo mohopolo oa sejoale kajeno o hopolang Jesu e le moporofeta feela, Ke Jehova oa Testamente ea Khale ea entsoeng nama ho aha har'a rōna. 'Me, mono, taba eo ehlile ea ntšelisa. Eaba, ke nahanne ka sehlollo seo, hore esale Molimo a batlike batho ba bangata hakana.

³⁷ Joale, sehlopha sa batho se teng, se ipitsang "Oneness" kapa "Jesus Only." Ha ke lumellane le mehopolo ea bona. Le joale ha ke lumellane—dumellane le sehlopha sa botrintase se reng ho na le Melimo e merarō e fapaneng, ho hlaha fala ha botrintase. Empa kea lumela hobane borarō, Ntate, Mora, le Moea o Halalelang, ba Bang, tseo ke liofisi tse tharō tsa Molimo o le mong. O phetse lekhatheng la bo-Ntate, ka Topallo ea Mollo; O phetse lekhatheng la Mora, ho Jesu Kreste; 'me O phela joale ka Moea o Halalelang, kahar'a Kereke ea Hae. Eéna Morena Jesu ea entsoeng nama 'me a aha har'a rōna, o na le rōna kajeno, har'a rōna, ka sebopeho sa Moea o Halalelang.

³⁸ Har'a boiphihlelo bohle! Eitse ha ke retoloha khetlo la pele 'me ke E bona, pele ka hopola E le letsatsi le chabileng e—e lerung nqa e 'ngoe, empa ke pele letsatsi le hlaha. Eare ha ke hetla hape, 'me ka bona hobane ha se leseli, e ne e le meokoli. 'Me ha ke talima 'me ke bona hoo, ka shoa bohatsu hohle.

³⁹ Feela motho a re ho 'na, "Na ha u ikutloe e ka u ka hoeletsa?" Che, Che ke ne ke sa ikutloe eka nka hoeletsa. Khabareng ea boiphihlelo ba mofuta oo ha u ikutloe eka u ka hoeletsa, li etsa u ikutloe u ankoriloe feela, moo u tsebang feela ho e-na le ntho e u bolellang feela, maikutlo ao a khotsofalo feela.

⁴⁰ Joale, lintho tseo ke 'neta. Kea tseba re fumana lintho tse buileng, ke khafetsa batho ba buang ba re, "Oh, ha ke lumele ntho e kang eo." Nke ke ka chaella ntho e joalo, ha ke tsebe. Nka chaella seo ke se tsebang e le 'neta feela. 'Me Molimo o Matlaohle, O ngotseng Bibele ena, 'me ke mohlanka oa Hae, O a tseba hobane ke 'neta.

⁴¹ E nahaneng, letsatsing leo re phelang ho lona, pejana Morena a khutla, Jesu o boletse, "Ho tla hlaha mehlolo holimo le holim'a lefatše, lipontšo tse khōlō, dipirinki tsefefohang, dimisale, nako ea tsieleho, khohlano pakeng tsa lichaba, le lipontšo tse tšosang holim'a lefatše." 'Me re phela letsasing leo, re bona lintho tseo.

⁴² Joale, bakeng sa Molaetsa oo ke o khethileng hoseng hona, ke batla le phetle le 'na Mangolong, koana ho Zakaria. E ne e le 'na . . . Zakaria, e—e khaolo ea 4.

⁴³ Takatso ea ka ebile ho le bolella lintho tsena. Khafetsa ho hlaha lintho tseo ke sa—ke sa li bueng, ha ke e bue. Empa ena e ne e hlahile ka mahetla hoo e patela kereke. E tšoanelo ho bolelloa! 'Me, pel'a Molimo oo ke emeng pontšeng ea Oona, ke 'neta. Kea tseba Molimo o teng, 'me kea tseba Jesu Kreste ke Mora Molimo, Emmanuel, ea ahileng har'a batho ba Hae kajeno ka sebopheho sa Moea o Halalelang. 'Me kea tseba ho Khutla ha Morena ho haufi, ke mohla mehlolo le meeka e hlahang.

⁴⁴ Re sa tsoa feta Mengoaha e Supileng ea Kereke, le ho ithuta hobane re Mongoaheng oa Kereke ea Laodisea le oa ho qetela, mohla kereke e tla ba monyemo, e bata, e hlophisa borapeli, le ho itlhlophisa; mekhatlo e tla busa, e je ntho eo. Empa pallo e re ho tla sala masalla a mnyenyane. Ho tla ba le Kereke e jalehileng hohle, empala Molimo o tla E phutha a E hloibile Khayeng; sehlotšoana se halalelitsoeng nqa e 'ngoe, se emetseng Morena.

⁴⁵ Eaba tsatsi le leng ha ke tšoarana le *Liveke tse Mashome a Supileng tsa Daniele*, ke eme hantle sefaleng mona, Ntho ea nchabela, ha kea khona ho e hlohlolla haesale. Ho bona hora eo re phelang ho eona! Ke batla ho ea nqa e 'ngoe le ho etsa ho hong ho sele, ho e tlosa kelellong ea ka. Ke na le baratuoa ba bangata ba sa bolokehang. Ka tseba, nka etsa'ng ho ba pholosa? Ebe nka etsa'ng? Ke boletse Evangel. Molimo o entse mehlolo e meholo le meeka e kang eo A esong ho e etse haesale lefatše le eba teng, ho tloha matsatsing a Morena Jesu, ha A eso etse joalo nalaneng eohle ea nako. 'Me e haotse ea pota lefatše. 'Me lefatše le eketsa bobe ka linako tsohle. Empa ke tlameha ho hopola hobane re phela Mongoaheng oa Kereke ea Laodisea, moo ba tlang ho mpefala, 'me E ba boletse ba tla etsa joalo.

⁴⁶ 'Me ke khethile hoseng hona, haele moo Molaetsa o hlasetsoe hakaale, ntho e 'ngoe eo ke futuheloang ka eona, ke eo, ho rera mohau. Ke batla ho bua ka eona hoseng hona ha ke bala khaolo ea 4 ea Zakaria, karolo ea eona.

Lengeloi le neng le bua le 'na la boela la khutla, la ntsosa, joaloka ha ho tsosoa motho... borokong,

'Me a re ho 'na, U bona'ng? Ka re, ke sa talimile, ka bona kandelare e leng ea gauta feela, e nang le nkho ea eona ea ole ntlheng ea eona, le lilampi tsa eona tse supileng kaholimo ho eona, le lipomponyana tse supileng ho e 'ngoe le e 'ngoe ea lilampi tseo, tse ka holimo ho eona:

Le mehloaare e 'meli pel'a eona, o mong ka ho le letona la nkho, o mong ka ho le letšeħali.

Eaba ke bolella lengeloi le buang le 'na, ka re, Ntho tseo ke'ng, mong a ka?

'Me lengeloi le buang le 'na la nkaraba la re, Na ha u tsebe hore ntho tseo ke'ng? Ka re, Che, mong a ka.

Eaba o mpolella, a re, Ke lentsoe la MORENA ho Sorobabele, le reng, Hase ka matla, le ka borena, empa e le ka moea oa ka, ho bolela MORENA oa makhotla.

⁴⁷ Lea bona na? Molaetsa o ke ke oa tlisoa ka matlahali a itseng kapa boholo, empa ka Moea oa Molimo! Temana ea ho qetela, temana ea 7.

Uena thaba e khōlō u eng, pel'a Sorobabele? U lehoatata feela pel'a Sorobabele: 'me o tla hlahisa lejoe la hloro ea ntlo har'a litlatse, tse reng, Le hauheloe, le hauheloe. Le hauheloe, le hauheloe.

⁴⁸ Bohle re tseba Lengolo lena, babali ba Bibe. Rea tseba e be e le mehleng ea boitokisetso ba kaho ea tempele bocha. 'Me Sorobabele e ne e le khosana e khōlō har'a batho, a ile a beha motheo oa moaho. Joale, lōna, ke batla le khoese mohopolo oa lōna oa moea, baki ea tlolo, hoseng hona, re sa nahana. 'Me khosana e khōlō enoa a ikemiselitse ho haha ntlu ea Morena bocha. 'Me eaba, hoba a etse hoo, o ne a alile lejoe la motheo.

⁴⁹ 'Me ha re bala re tsoelapele, re fihlela Molimo a buile, "Sorobabele o behile motheo ka matsoho a hae, o tla boela a hlahisa lejoe la hloro." Ke batla le lemohe, ha A re o tla hlahisa "Lejoe la Sekhutlo." O tla hlahisa "lejoe la hloro."

⁵⁰ 'Me rea tseba Lengolo le bitsa Jesu Lejoe la Sehlooho la Sekhutlo, O boetse ke Lejoe la hloro. Joale haeba re ka nahana metsotso e 'maloa feela, hore, moromuo oa kereke ea bosupa o ne a tla "busetsa Tumelo ea bana ho bontate." Ka mantsoe a mang, ho boela a haha Kereke tlas'a Matla a Moea. "Hase ka matla, hase ka borena, empa ke ka Moea oa Ka," ho bolela Morena. Hase ka mokhatlo, hase ka mokhatlo oa bolumeli, empa

ke ka Moea o Halalelang, Molimo o tlang ho hlahisa Kereke letsatsing la morao.

⁵¹ Sorobabele, khosana le Joshua, e ne e le eéna ea neng a tla hlahisa lejoe lena la hloro. O ne a behile motheo, a ne a khutliselitse batho morao motheong, ka papiso.

⁵² Etsoe, re tseba bohole hobane likandelare tse supileng tsena le lintho tse joalo li tsoantsa ba-Juda le kereke 'moho. E ne e le "mahlaku a mohloaaare," Bibele e boletse mona. 'Me lehlaku la mohloaaare, rôna re mohloaaare o hlaho o nyalisitsoeng motso sefate sa mohloaaare oa hae; ba-Lichaba! 'Me liphaephe li tsoa ho mehloaaare e 'meli ena, e kenang ho likandelare tsa gauta tse supileng, ho bonesa Mengoaha e Supileng ea Kereke ka Leseli.

⁵³ Joale hopolang, lithutong tsa rôna tseo re sa tsoa li phethela, ra na ra tsoarana le piramide e khôlô ra e hlahlobisa nakoana, eona e tsoanetseng e be e hahiloe ke Henoke. 'Me piramide e ne e sa balloa ka lejoe la hloro. Nkile ka fihla teng. Bonono ba eona ha bo kake ba fapanyetsoa ho fihlela kajeno. Ha re na machini a ka teang piramide, ha ho matla (ntle le matla a athomiki) a ka hahang piramide, hobane e khôlô haholo. Majoe a boima ba ditone le litone le ditone, a pealletse moeeng, a matahantsoe hakaale esita le thipa e sesane ea lehare ha e khone... 'Me ha a haelloa ka samente, a mpa a sehiloe ka mokhoa oa ho patisoa 'moho.

⁵⁴ Le 'Mele oa Jesu Kreste o tlamehile joalo, o sehliloe hakaalo ke Moea o Halalelang, ka Sebetsa se seholo sa Molimo le Sesebelisoa, re tle re teanngoe 'moho joalo ka Motho a le mong. Ha rea arohana. Rea tlameha ho ba Motho a le mong! 'Me taba eo e supa ho se machini a ka e teang joalo. Ke Molimo o ka etsang hoo. Ha ho lihlomo tsa mochini oa mokhatlo, ha ho dijole, har'a lintho tsena ha ho letho le ka e etsang, leha koana maikemisetso a tsona a ka loka hakana. Li ke ke tsa khona ho etsa hoo, hobane e batla Molimo ho e sebetsa, Moea o Halalelang.

⁵⁵ Ha ke kholoe ke tsoere lehlaku la dolara khetsing ea ka. Empa ho fumanoa . . . E, ke le tsoere, ke tsoere lehlaku la dolara. Ke masoabi. U tla bona tiiso ea Linaha Tse Kopaneng ho le letshali ka morao ho lehlaku la dolara ena, le u shebile. Ho 'na, e tla ba le letshali; ho uena, ke le letona. Ke ntsu. 'Me hape ho fumanoa seqhanyane sa lihlomo le lintho tse joalo. Empa lehlakoreng *lena* mona, le letona, ho 'na, u bona piramide. 'Me ha u ka elelloa, lejoe la hloro le holim'a piramide, 'me ka tlase mono ho thoe, "Tiiso E Khôlô." Esita le holim'a chelete ea rôna, re tlameha ho e ela hloko. Ha ho mosalumele ea ka falatsang Bokreste. Ha u ngola letsatsi holim'a lengolo, matsatsi a tsoalo ea Morena. Alamanaka efe le efe, sohle se bua ka Eéna. 'Me esita le chelete ea rôna, Lejoe la hloro, e leng Kreste! Hobane'ng ba sa balla piramide ka lejoe la hloro? Hobane Lejoe la hloro le ne le latoloe mohla Le fihlileng.

⁵⁶ Empa joale, ho latela seporofeto, Lejoe la hloro le tla fihla. 'Me ke batla le lemohe seo, mohla Lejoe la hloro le fihlang, khosana e tlang ho utloahatsa Molaetsa e tla hoeletsa "Le hauheloe! Le hauheloe!" Hobane re bolokehile ka mohau, hase ka mesebetsi, e se re motho a ithorisa. 'Me Molaetsa oa mohau o hataketsoe ke maoto a batho ho fihlela e le sesomo. Ba bang ba matha holim'a polokeho ea Bosafeleng, ba bang ba matha holim'a ntho e 'ngoe le e 'ngoe. Empa, Molaetsa oa 'nete oa mohau o lutse o itšoanelia, 'me ke hona moo Satane a lekang ho e khothotsa Kereke. Empa bohole re bolokehile ka mohau oa Molimo.

⁵⁷ Ka hona BoMolimo ba Jesu Kreste, hola Morena Molimo o ka fihla teng oa thasisetsa hoo e le 'Nete, e seng hoo feela, empa O e thasisetsa e le 'Nete ka Lentsoe la Oona, ebile O e thasisetsa e le 'Nete, ka mehlolo le meeka, hape, mohau ke 'Nete. Ebe hore'ng motho a nyatsa a re mohau o phoso, ho thoe "re bolokehile ka mesebetsi"? Re bolokehile ka mohau, ka tumelo, hase ka mesebetsi. Mesebetsi e supa hobane u bolokehile. Empa u bolokehile ke mohau oa Molimo. Mohau o a u boloka. Mohau ke seo Molimo a u etsetsang sona. Mesebetsi ke seo u se etsetsang Molimo, ho supa kananelo ea seo Molimo a u etselitseng sona. Empa u bolokehile ka mohau!

⁵⁸ Batho ba bang ba nahana, "Hobane ke joina kereke, ke ngolisa lebitso la ka bukeng, ke phetho tšoanelo ea ka." Batho ba bang ba nahana, "Hobane ke hoeletsa, ke phetho tšoanelo ea ka." Ba bang ba nahana, "Hoba ke bua ka lipuo, ke phetho tšoanelo ea ka." Ba bang ba nahana, "Hobane ke fuoe matla a ho folisa bakuli, ke phetho tšoanelo ea ka." Hase ena! U bolokeha ke mohau oa Molimo, mohau o hlollang oa Molimo. Nke ke ka tšepela mesebetsi efe. Ba bang ba itse, "Be, ke monna e moholo eo. Monna eo, ke mo utloile a ema a etse *sena*, ke mo utloile a ema a etsa *sane*."

⁵⁹ Pauluse o boletse, ho Bakorinthe ba Pele 13, "Leha nka bua lipuo tsa batho le tsa Mangeloi, leha nka fuoa temoho, leha nka fuoa lineo, ho fepa, nka fepa mafutsana maruo a ka, nka suthisa lithaba ka tumelo ea ka, leha nka rua tsebo ho utloisia lintho tsohle, ha ke letho pele lerato le kena, e leng mohau." Molimo o tlameha ho e sebetsa. U ka etsa lintho tsena tsohle ua 'na ua lahleha. Ke mohau o u pholosang, mohau o Molimo ho morabe oa batho.

⁶⁰ Ho nahana ka Eéna! Ke ne ke nahanne ka mohau hang hoba taba eo e hlahe Labohlano hoseng, hantle ha letsatsi le tla chaba, holimo tšimong mohla ke kaletseng sekoqo, hamorao, 'me likelei tsa kolla tlase mahlong a ka. "Oho, Molimo, mohau oa Hao o ile oa inama ho mpholosa. Ua hla ua hauhela mofutsana ea sa rutehang hakaale ka life, ea soto joalo ka 'na? U tlide joang tabernakeleng ea róna e nyenyane, ha khotso, le moo ho ahileng batho ba tlase bophelong, ba mafutsana, ba sa rua letho lefatšeng

lena, 'me leha ho le joalo mohau oa Hao o tšetsoe lipelōng tsa rōna, ka Moea o Halalelang, ho folisa maloetse a rōna le libe tsa rōna, ho re pholosa libeng tsa rōna, ke rialo, le ho re etsa batho ba Hao, ho sebetsa ka rōna?"

⁶¹ Eaba ke hopola Davida, mohla a lekantseng ho hahela Morena ntlo, ho re, "Hase hantle ha ke ahile tlung ea kedare, athe Areka ea selekane sa Molimo oa ka e tlas'a matlalo a linku le tabernakele."

⁶² Molimo oa bolella moporofeta, "E-ea bolella mohlanka oa Ka, Davida, u re Ke mo latile a setse linku morao, a ntse a fepa linku tsa ntatae, 'me 'ua fuoa lebitso le joalo ka la banna ba baholo lefatšeng."

⁶³ Ka nahana ka mohau oa Molimo, kamoo A neng a ka etsa hoo, ho pholosa ka ho fetisisa! Le ho tšoara mofutsana ea soto joalo ka 'na, ho 'nea monyetla ho bolela Evangelie le ho hlokomela hore ba bang ba pholosoe, ho ba bona ba folisitsoe; ho bona malapa a pshatlehileng, a boela a otolloa; ho bona mapheho a senyehileng, a boela a lokisoa. Le ho 'nea mohau! Ka nahana, "Oh, ke mohau o hlollang! Eaba o finyella setsumi se tlase sa mesamane ea lifate, se tsoang merung, 'me oa Ipopa ka setšoantšo sa *mookoli*, o bolelang "selekane," ka Molaetsa oo A 'neileng ho o rera, a o bapisa mono ka selekane, hore O a O tšehtesa! 'Me O tla O tšehtesa, hobane Molaetsa ke oa Jesu Kreste le bakeng sa khanya ea Hae.

⁶⁴ Kamoo A ntumeletseng ho ea ka lefatše lohle, ho potoloha lefatše, ho ea le lichaba, ho ea limilioneng tsa batho, ho bona limilione li tla ho Morena li Mo amohela joalo ka 'Moloki oa bona, ho ba bona ba tlatsoa ka molemo oa Hae le ho halaletsoa ke matla a Hae, ho ba bona ba folisoa ke matla a Hae a maholo a sa sitoeng ke letho. Nka hoeletsa joalo ka moporofeta, ea itseng, "Hase ka matla, hase ka borena, empa ke ka Moea oa Molimo." Hase ka thuto, hase ka fiologi, empa O pholosa batho ka Moea oa Molimo. Ka Moea oa Molimo O folisa batho. Ke Moea oa Molimo o tlisetsang batho Molaetsa. Ke Moea oa Molimo o thasisetsang Lentsoe.

⁶⁵ Kajeno re tšoere fiologi, re tšoere Lingaka tsa Khalalelo, re fumana banna ba baholo hohle lefatšeng, ba hlalefileng, ba masene le rutehileng. Empa e hloka ho nyatseha ho lumelang Molimo, ho etsa hore Lentsoe la Oona le bue, ho supa hobane Jesu Kreste ke eéna maobane, kajeno, le ka mehla. Ho hlokoaa pelō e ikokobelitseng e inehetseng Molimo, ho tlisa Jesu Kreste lekhatheng la joale. Amen! Holane ho hlokoaa fiologi, ebe Presbeteriene, Methodise, Baptise, Katolike, le tse joalo; re ka be re sa fuoa monyetla, rōna batho ba mafutsana ba sa rutehang. Empa ha ho hlokoe tsebo. "Hase ka matla kapa ka borena, empa ka Moea oa Ka," ho bolela Molimo, "Ke tla phuthulla sephiri sena." 'Me, "O tla se utloahatsa, Le hauheloe, le hauheloe, ka

mehoo le ka litlatse." Ho a tšoana le kajeno, mohau o hlollang oa Molimo bathong ba Oona. Kamoo A nkang ba sa balang, ba sa rutehang, ho supa Jesu Kreste a sa ntse a tšoana.

⁶⁶ Mohla A tlileng, ha A tla ho bafiology ba baholo. Le joalo ha A ea ho Kaiafa, moprista e moholo; haese ho ahloloa ke eéna.

⁶⁷ Empa O nkile batšoasi ba lihlapi, banna ba futsanehileng ba ipapisitseng le bophelo ba tloaelo. 'Me ho bona A Itšenola, le ho re, "Le Ntatele, 'me Ke tla le etsa batšoasi ba batho," ho bontša mohau oa Hae o sa ntse o tloha esita le ho ba-Juda ho theohela ho ba-Lichaba, ho mema batho bakeng sa Lebitso la Hae matsatsing ana a qetello, joalo ka ha re sa tsoa feta ho eona. Mohau o hlollang, mololi o monate!

⁶⁸ Mohau ke oa khaleng. Mohau ke oa khaleng kaale ka lilemo tsa lefatše. Mohau o bontšitsoe morabe oa batho pele mohla re fuoang morabe oa batho tšimolohong. Mohla ho boptjoang morabe oa pele oa batho tšimong ea Edene, hoseng ho fifetseng hoo mohla mosali e monyenyan eo a tlolang moeli o arolang, 'me a siteloa Melao ea Molimo a nto eka mohatsae ho etsa hona hoo, eaba molao o robiloe. Molao o tšoanelo ho phetetsoa ka kotlo ho sang joalo hase molao ka letho. 'Me molao e ne e le ona, "Mohla le se jang, le tla shoa ruri mohlang oo."

⁶⁹ Le hopole, setulo sa kahlolo ea pele e ne e lule holim'a lefatše, 'me e le tšimong ea Edene. 'Me setulo sa kahlolo ea ho qetela e tla lula holim'a lefatše, mehleng ea qetelo, Terone e Tšoeu.

⁷⁰ Empa eitse ha Jehova a theoha, kea kholoa ho se naleli e ka bonesang, ke ha ho fifetse phifalo tšingoaneng eo e kileng ea k'hatsima leseli, hobane sebe se le timme, se ba kholothlitse Leseli.

⁷¹ Ke lona lebaka la likereke kajeno. Ke lona lebaka la batho kajeno. Sebe se timme Leseli la Molimo o phelang, ho supa Kreste e sa le eéna maobane, kajeno, le ka mehla, 'me O phela ho pholosa ka ho fetisisa, le ho folisa motho ea sithabetseng ka ho fetisisa, ea kulang.

⁷² Oh, ho hlile ho nyarosa hoseng hoo, lefifi le fetlame holim'a tšimo! Kea kholoa moholi o le botšo ba bolitse. Kea kholoa ho se lehlaku lefe le hlokohlehang. Ho se moea o bululang. Ho le lefifi 'me ho tšabeha, hobane sebe se fifalitse.

⁷³ Jehova ke eo a theoha a rora sa sealuma, a tsamaea har'a tšimo, a hoeletsa, "Adama, u ho kae?" Ke mohla Adama a itemohang hoba o feels 'me o sitetsoe Molimo ka sebe. A ntoo ipata 'me a leka ho ikahela borapeli, feels ha bo a sebetsa. Molimo oa hlaba nku e itseng, oa tšoara matlalo, oa supa se seng se tlameha ho shoa ho khurumetsa sebe.

⁷⁴ Ho ngolisa le kereke ho ke ke ha khurumetsa sebe le ka mohla. Maipolelo a leihlo le ommeng a ke ke a khurumetsa sebe. Ho hlokua tšoabo le pako, le mohau oa Molimo, ho khurumetsa

sebe; hore Mali a Jesu Kreste, Ea hlabiloeng ke Molimo Kalvari, a khurumetse sebe.

⁷⁵ Mono tšimong hoseng hoo, mohla sebe se ntšofetseng hakaale, Jehova o a kena. Mono bathoana ba Hae ba babeli ba eme, ba ahlotsoe. Morabe oa batho o sa tl'o hlola o e-ba teng, ba tlameha ho shoa; lefu morabeng oa motho, ho ntoo khutlisetsoa lefatše ho libatana tse hlaha 'me morabe oa motho ha o sa tla ba teng. Empa mohla hora e lefifi le tlolisang leo, mohla ho timmeng litšepo tsohle, mohau oa phalla o kena o phorosela, ha thoe, "Ke tla le hlahisetsa 'Moloki, Messiah.' Oh, ke mohlolo o mokakang ha Molimo o entse hoo! Mohau o hlollang oa Molimo tšimong ea Edene, o ba tšepisitseng Ea Lokileng Ea ka tlisoang ke mosali. "Peō ea mosali e tla khoba hlooho ea nōha," ea molato eo, "'me hlooho ea eona e tla mo loma serethe," hoo ho supa hloriso e tla oela Kereke. Empa O tšepisitse tlholo! 'Moloki o hlahisitsoe ke'ng? Mohau!

⁷⁶ Ba ne ba ka etsa'ng ho rua mohau? Ba ne ba ka etsa'ng ho e bonahatsa? Maele a sesole, le a tšoarele, ke batla ho a hlahisa sefaleneng mona feela ho taka ntlha, "ho beana libata." Adama o itse, "Mosali eo U 'neileng eéna o entse joalo." Mosali o itse, "Noha e nthetsitse." E mong a qosa e mong. Tšepo e ba feletse.

⁷⁷ Empa Molimo oa hlahisa mohau, 'me oa khaola oa hlaha! 'Me A re, "Empa Ke tla hlophisa tsela, mokhoa o itseng. Ke tla le pholosa, leha ho le joalo. Le sitiloe, le tlotsa melao ea Ka. 'Me meao ea Ka e tlamehile joalo, empa kahlolo e tsoang melaong ea Ka e tlameha ho phetetsoa. Ka baka leo lefu le tlameha ho hlaha, hobane Ke itse 'lefū."

⁷⁸ Joale, metsoalle ea ka ea Bakreste. 'Me litheipi tse hatisoang tsena mona li tla jaloa bophareng ba lefatše. E reng ke le botse taba, lōna ba lekang ho fetola Molimo ho bopa Melimo e merarō, kapa uena ea lekang ho Mo etsa a le mong, joaloka monoana oa hao. Boperesone ba Hae bo bong!

⁷⁹ E ke ke ea e-ba ho loka ho Molimo ho bolaea Lengeloi. Haeba A bolaea Lengeloi ho shoela morabe oa motho e ka be e-ba hase Moahloli oa ho loka. Hoo ho sa ntse ho sa e phekole, hobane molao oa Hae o moholo o phetetsoa ka lefu, 'me ntho e tlameha ho shoa, 'me Lengeloi le ke ke la shoa. Hape A ke ke a re, "Eva, erekaha u lihetse Adama molatong ona, Ke tla u bolaea, ho lumella Adama eéna ho phela," hobane Adama le eéna o bile le kabelo.

⁸⁰ Joaloka motho ha a boletse, "Pilato o beiloe ea lokileng, o hlatsoitse matsoho a hae." U ke ke ua hlatsoa Mali a Jesu Kreste matsohong a hao. U ke ke ua tsoa moahong ona hoseng hona ua ea leholimōng, ha u ka shoela libeng tsa hao. E matsohong a hao. Ka hona, ha e a loka.

⁸¹ Tsela ea toka e ne e le 'ngoe feela. Tsela e ka ba 'ngoe feela, molao o moholo oa Molimo, litlhoko tse ka phethisoang. O ne a

tlamehe ho e phetha ka sebele sa Hae. O ne a tlamehile ho e etsa. Molimo ke Moea 'me A ke ke a shoa. Eaba Molimo o tlameha ho etsoa motho, 'me O shoele ka nama ea motho, ka sebopheho sa monna ea bitsoang "Jesu Kreste," 'me Messia ea tsepisitsoeng o tlisitse mohau. Mono le ka bona hobane Molimo le Kreste ke Motho a le mong, Molimo o ahileng ka ho Kreste. "Na le Ntate oa Ka re Bang, Ntate oa Ka o ahile ka ho 'Na; hase 'Na ea bolelang Lentsoe, empa ke Ntate oa Ka ea ahileng ka ho 'Na." Molimo ka ho Kreste! Ruri.

⁸² Mohau oa na oa tsepisoa tšimong ea Edene, 'me mohau o tlide, mohau ho Adama le Eva. Ho se moo ba ka eang teng, ho se tsela eo ba ka e fapohelang 'me feela mohau o entse tsela!

⁸³ E re ke bue sena, motoalle oa moetsalibe. U ka ba seotsoa mona hoseng hona, u ka ba selelekisa-mosali, u ka ba letaoa mona kapa semokolara, kapa 'molai. Mona u ka ba monna ea sa hloekang, mosali ea sa hloekang. U ka ba moetsalibe ea soto ka ho fetisa. U ka re, "Ke se ke tlotse moeli oa topollo." Che, ha u joalo, kapa u ka be u sa lula ka kerekeng hoseng hona. Mohau o tla u etsetsa tsela horeng e lefifi ena hola feela u ka o amohela. Adama o ne a tlameha ho ikemisetsa ho e amohela, le uena o loketse joalo feela. E amohela.

⁸⁴ Mohau oa Molimo o nanabetse mehleng ea Nohe. Nohe, monna oa tloaelo feela, eéna le lelapa la hae. Empa kahobane Nohe a ne a tšaba Molimo, o lumetse Molimo! U ke ke ua tšaba Molimo o sa lumele. U ka tšaba seo u sa se lumeleng joang? U tlameha ho tšaba Molimo. Solomone o itse, "Qalo ea bohlale ke ho tšaba Molimo." Joale, ho tšaba Molimo feela, u qala u e-ba bohlale. 'Me ho tšaba Molimo, Nohe o ne a tšaba Morena 'me o lumetse Morena. 'Me ke sona seo Molimo o se hlomphang, ke tumelo ea hao ho Eéna. Ke hantle. Mohla tšabo ea Molimo e oelang Nohe, Molimo o 'mitsitse ka mohau, le ho pholosa eéna le ntlu ea hae hobane e sebelitsoe ka mohau. Hase kahobane Nohe e le charolahali ea monna ea bohehang ho feta ba bang bohle, hase hobane Nohe a tsamaile kereke e khabane ka ho fetisa naheng, hase kahobane e le setho sa mokhatlo o khabane ka ho fetisa, hase hobane a apere hantle ho feta, hase hobane a e-na le chelete e ngata ho feta, hase hobane e le motho ea itseng ea ikhethileng. Empa ka mohau oa Molimo, Molimo o pholositse Nohe. Mohau o pholositse Nohe (hase mesebetsi ea hae; empa mohau oa Hae) oa boela oa pholosa lelapa la hae.

⁸⁵ Re mema motho e mong eo mohau oa Molimo o atoloselitsoeng eéna, ba bangata, re tla bua ka ba 'maloa feela. Abrahama. Abrahama, e be e se monna ea ikhethileng, o tsoile toreng ea Babele, koana e ka ba o tsoile ho mphing ea basebeletsi ba liséto (ntatae), ho theohela naheng ea Shineare tlase mono, ho aha motseng oa Ure. 'Me teng, Molimo oa bua le eéna ka mohau. E se hobane a fapane, e se hobane e le monna ea betetšana; empa, ka mohau, Molimo oa 'mitsa. Taba eo e hlahisoa ke Bibele

e totobetse. Oh, Abrahama, kamoo Abrahama a lekileng mameollo ea Molimo! O boleletsoe, ha thoe, "Abrahama, lula naheng ena, u se tsoe ho eona." Empa hang ha tlala e patela, Abrahama a matha.

⁸⁶ Abrahama o takile rōna. Molimo oa nka—Molimo oa nka Abrahama ka tumelo, oa mo pholosa. 'Me le uena O u nka joalo, ka mohau. 'Me ebe mameollo ea Hae re e leka joang? Kajeno re sehlahlo, hosasa re nyahame. Tsatsi le leng rea lumela, tsatsi le hlahlamang rea bala-bala. Kajeno re Methodise, hosasa re Baptise. Kajeno re lumela pholiso ea Khalalelo, kajeno re jeoa ke mala 'me hosasa ha re tsebe haeba re e lumela kapa che. Empa koana har'a tseo tsohle, Molimo o re laela ho tsitsa. Empa O a re pholosa, leha ho le joalo. Hola e se be ka mohau oa Molimo, ho ka be ho felile ka rōna bohole. Ehlide. Molimo o re pholositse ka mohau oa Oona.

⁸⁷ Abrahama o ne a tlamehe ho lula lefatšeng leo, empa a kena ho Bakalde, kapa, ha se Bakalde, empa Bafilesta. A theohela teng ho jaka, ho phema tlala. Lintho li batla li thatafetse holimo koana naheng ea habo, eaba o theoha ho ea jaka le bona teng. Ho etsa hantle seo Molimo a mo thibetseng sona, empa koana mohau oa Molimo o mo hlahetse, oa thibela Faro ho ta-...kapa e—kapa khosi ho nka mohatsa'e. Mohau oa Molimo. Mohla Abraham a itseng, "Ke khaitseli ea ka," a etsa leshano, empa mohau oa Molimo oa 'maballa ka hobane a bakile. O kile a ikemisetsa ho baka.

⁸⁸ 'Me mang le mang ea ikemiselitseng ho baka, mohau oa Molimo o sa ntse o lebisitsoe ho uena. Mohau oa Molimo o batlana le uena. Ka hona, ho lōna ba oeleng hoseng hona, mohau oa Molimo o sa u batla. Hola feela u ka baka, mohau oa Molimo o u lekane.

⁸⁹ Kamoo A nkileng Abrahama oa khale ea lokileng, ho mo khutlisa! 'Me le hopole, Abrahama ha a bolokeha ke mesebetsi ea hae, o bolokehile ka mohau. Abrahama o bolokehile ka tumelo, e leng mohau. 'Me Molimo o bolokile Abrahama ka baka la mohau oa Oona, ha se ka baka la boitšoaro ba hae. O mo bolokile ka baka la mohau oa Oona. Oh, ho hotle hakakang! O bolokehile ka mohau.

⁹⁰ Ha re nkeng Israele. Ke ngotse Lengolo fatše mona. Ke ngola fatše 'me nka lebisa ho lona feela kelellong ea ka. Ha le batla ho le ngola fatše, ho ka ba molemo ho hopola lena, Deuteronomia 7:7. Molimo o etselitse Abrahama tsepiso ea Oona, kapa ha oa etsetsa Abrahama, le ntšoarele, oa etsetsa Israele. 'Me ba boleletsoe, "Ekare ha le sa itšoase le melimo ea liséto! Ekare ha le sa etse tsena tsohle! Ha le ka suthela hole le liboka tsena tsa bohetene! Ha le ka etsa lintho tsena tsohle, Ke tla le isa lefatšeng le letle, Ke tla le hlokomela, Ke tla le fepa, Ke tla le etella pele. Ke tla etsa lintho tsena ha le ka etsa hore-le-hore, ha le ka Nthata, ha

le ka boloka Melao ea Ka, litaelo tsa Ka, likomelo tsa Ka. Ke tla etsa lintho tsena tsohle ha le ka etsa se seng feela, le ho boloka Melao ea Ka la Nthata.”

⁹¹ Joalo feela ka monna ea nkang mosali, le ho re, “Ha u ka ba molekane ea lokileng, ha u ka hlokomela ntlu, ha u ka tsepahala ho ‘na, ha u ka boloka liaparo tsa ka li hloekile; ha re ka fumana bana, ha u ka ba ‘mé ho bona; ha u ka etsa lintho, ke tla sebetsa ke tsoe mali matsohong, ho u phelisa, ha u ka e etsa.” Empa hape, ha re nahaneng, haeba mosali eo a fosahala, a iphelela ka botsoa, a sa sebetse, a sa etse letho? Joale ho qosa mohau ho kopanya lelapa leo.

⁹² Oho Molimo! Ho nkile mohau oa Jehova ho baballa lelapa la Hae ‘moho. ’Me ke ka hona re leng lelapa la Jehova kajeno, ke ka baka la mohau oa Jesu Kreste; bohle re ka be re felile. Empa ke mohau, oh, mohau!

⁹³ Joale, empa ba sitiloe ho e etsa. Empa bao, ha ba finyella tsepiso e tletseng; e seng moloko oo. Che, bona ba etselitsoeng tsepiso, ba timetse feelleng. Empa Molimo o ba fepile, Molimo o ba babaletse, Molimo o ba ratile, O tsamaile hohle. Hobaneng? Mohau oa Hae o e entse, mohau oa Hae ka baka la tsepiso ea Hae, tsepisoea Hae mohlang oo, mohau o loheletsoeng le tsepiso ea Hae. Empa ha ba finyella moputso o tletseng oa lefatše la tsepiso.

⁹⁴ ’Me le kereke ena ha e finyelle molemo oa eona o tletseng. Ke moahu oa Molimo o re baballang. Empa O batla ho fumana kereke e tlang ho Mo mamela, batho ba tlang ho nka Lentsoe la Hae ba re “Ke ‘Nete,” ho sa tsotelloe mokhatlo oa lōna. O batla batho ba ke keng ba re, “Be, ke lokile ha kaale ka uena. Ke Presbeteriene, ke Methodise, ke Katolike, ke lokile ha kaale ka uena.” Ha se mohau oo; hoo ho supa phoso e leng teng.

⁹⁵ Empa motho, ho sa tsotelehe, ea ka balang Lentsoe la Molimo ‘me a bona hobane u tšoanelo ho tsoaloa labobel le ho tlatsoa ka Moea o Halalelang, ba tla lumela seo, ba tla e amohela ho latela Lentsoe. Ba tla amohela hantle seo Lentsoe Le se buang.

⁹⁶ Joaloka likolobetsong le hofafatsa; kolobetso e lokile. Ha ho motho ea kileng a fafatsa Bibeleng, ha ho ntho e joalo Lengolong. Hape ha ho mang ea kileng a kolobetsoa ka lebitso la “Ntate, Mora, Moea o Halalelang,” ka Bibeleng. Bao, e mong le e mong, ba kolobelitse ka Lebitso la Jesu Kreste. Ka hona ha ho e mong, esita le bohashana ba histori bakeng sa . . . Hola motho a ka mpontša nqa efe, hohle historing, moo motho ofe a kolobelitsoeng Bibeleng le ka mohla, kapa lilemong tse makholo a mararō ka mora lefu la morutuo oa ho qetela, ho fihlela kereke ea Katolike, haeba motho a ka supa nqa efe moo motho a kileng a fafatsoa kapa a kolobetsa ka lebitso la “Ntate, Mora, Moea o Halalelang,” ho fihlela kereke ea Katolike, moea oa hao o molato ho tla mpolella joalo. Ha e fumanoe. Empa re etsa’ng?

⁹⁷ Re fetile *Mengoaha e Supileng ea Kereke* 'me ra bona mohla ba tlamehang ho etsa joalo. Ka hona, lea bona, Molimo o batla motho ea tlang ho Mo mamela. Haeba e sa fumanoe Mangolong, e tla be e se ea motho . . . ke thuto e entsoeng ke motho 'me ha se Thuto ea Bibele. Lea bona? Ka hona ho sa tsottelehe seo kereke e leng sona, hore esale u fositse hakae, hoo ho etsa phapang efe? Lebaka ke hore u ka népa hakae hona joale! Mohau oa Molimo o u bontšitse eona, tsamaea ho eona ke hona. Mohau oa Molimo!

⁹⁸ Hopolang Moshe, hape, moetapele e moholo eo. Molimo o tlamehile o be o 'molaile mohla a theohetseng mono ho itlotlisa ka ho otla Lefika leo, 'me o itse, "Na le bona seo nka se etsang?" ka mantsoe a mang. "Bahanyetsi ting, ana re tla le ntšetsa metsi Lefikeng lee?" Eaba o a Le otla 'me metsi a hanne ho tsoa; a boela a Le otla. O entse'ng? O ne a taka bofokoli ba—ba Kreste, hoba Kreste e ne e le Lefika leo. Ke Lejoehloro leo. Sebakeng sa ho le otla, kapa ho bua le lona . . .

⁹⁹ Le otliloe hang. Le hopole, Molimo o laetse Moshe koana ho Exoda, "E-ea 'me 'Na Ke tla ema ka pel'a—ka pel'a hao, holim'a Lefika, 'me u otle Lefika." 'Me o otlile Lefika eaba Le hlahisa phororo ea metsi. Molimo oa re, "Khetlo le hlahlamang, e-ea u bue le Lefika 'me Le tla nehela metsi a Lona."

¹⁰⁰ Empa ke ha Moshe a batlide ho itšupa boholo bo itseng, matla a itseng, eaba o re, "Ke tla hlahisa metsi Lefikeng lena." Molimo o tlamehile a be a 'molaetse, eona. Molimo o tlamehile a be a ile a mo arola, ka ha a robile moalo oa Molimo hantle mono, hobane mono o buile ka bofokoli ba Kreste, O tlameha ho otloa khetlo labobeli. Kreste o otliloe hang feela. Joale re bua le Lefika, 'me Le nehela metsi a Lona.

¹⁰¹ Empa e ne e le eng? Ha re shebeng monna enoa oa leqheku, lilemo tsa hae li lekholo le mashome a mabeli.

¹⁰² Ha se khale ha motho a re ho 'na, ha thoe, "Molimo ke Molimo o sa lokang," ho re, "hobane O soabisitse Moshe. Ka mora ho tubeha le Baheberu bao lilemo tse mashome a mane ka ntle koana feelleng leo, eaba O a mo soabisa 'me O mo hanetse le ho kena lefatšeng la pallo."

¹⁰³ Ka re, "Oh, ke bosaoana!" Che, ha A ka a nyahlatsa Moshe. O kene lefatšeng la pallo. Lilemo ha li batlide ho ba makholo a supileng hamorao, o bonoe holim'a Thaba Phetolelo, a phela sa ka mehla, a eme, a buisana le Jesu pele a e-ea Kalvari, eéna le Elia, ba eme 'moho, ba buisana, hape. Moshe le Elia ba bonahetse ho Jesu, Petrose, Jemese le Johanne, holim'a Thaba Phetolelo. O ne a sa shoa. O ne a phela. Molimo ha o a mo nyahlatsa. O ne a le teng Palestina.

¹⁰⁴ Joale shebang, pele a eshoa, o nyolohile Thaba Nebo, hoseng hoo mohla a tsebileng a tsamaea. A se a hlobolisitse Aarone, liaparo tsa hae a li apesitse e mong. Ho nka kobo ea hae, a e apesa Joshua, a mo laela ho tiisetza litaelo tseo! 'Me eare ha a hloella

qhoeng ea Thaba Nebo, a haola phuleng ea masabasaba, o tsebile a ea teng ho shoa, 'me a hloa Thaba Nebo, eaba o nyolohela Pisga. 'Me e ne re a sa eme holimo mono, Molimo oa re, "U ka lekola lefatše. Ke batla ha u ka le bona. Moshe, u ka be u ea teng. Empa u tseba ketso ea hao tlase mane Lefikeng tsatsing leo? U itlotlisitse." Ke hopola e tla ba molato oa ba bangata ba rōna batho kajeno. "Theohela Lefikeng, 'me u itlotlisitse." Empa le shebe mohla a itokisetsang ho shoa, ke ha Lefika le eme mono. O tšoanetse a be a hloele Lefika mono Pisga, 'me Molimo o mo epetse. Empa o tlamehile a be a tsohile hape, nqa e 'ngoe, hobane o ne a phela. E ne e le papiso ea Kreste. E ne e le eo, a eme holim'a Thaba Phetolelo, makholo a lilemo hamorao, koana Palestina. Lea bona, mohau oa Molimo o hlahisitse Lefika. Oh, banna!

¹⁰⁵ Ha ke nahana ka Abrahama, liphoso tsohle tsa hae, le Moshe le phoso ea hae, empa mohla ho ne no ngoloa tlhakisetso ea Abrahama, mohla tlhakisetso e Khethhehileng e neng e ngoloa, mohla Pauluse a ngolang tlhakisetso ea Abrahama, ha a hhalosa le ho se lumele ho le hong hoa Abrahama. Che, che, le ho e balloa feela le ka mohla. O itse, "Abrahama ha a ka a sisinyeha pallong ea Molimo ka ho se lumele, a mpa a ipha matla, a ntse a roris Molimo."

¹⁰⁶ Thapelo ea ka ea boikokobetso, ka pel'a mohau oa Molimo o leng teng mona hoseng hona, ke tsepile ea ka e tla ngoloa joalo, A ke ke a bona liphoso tsa ka. Hore mohla tlhakisetso ea ka e ngoloang, bophelo ba ka, ho ke ke ha balloa liphoso tseo ke li entseng, feela O tla bona lintho tseo ke lekileng ho Mo etseta tsona. Feel a e mpe e be... Hoo ho etsoa ke'ng? Ho tla nka mohau oa Molimo oo ke lumelang ho 'ona. 'Me ke tsepetseng teng ka ho ferella. Hobane haele 'na le ba bang bohole re ke ke ra kena ka mesebetsi ea rōna, empa ke itsepisitseng ka mohau oa Molimo. E, ke mohau oo ke itsepisitseng ka 'ona.

¹⁰⁷ Mohla Moshe a ikemisetsang ho shoa ke ha Lefika le eme mono.

¹⁰⁸ Re ka bolela life ka Davida? Mohau oa Molimo! Mohlabani e moholo eo Molimo ka Sebele... O itse, "Ke monna ea pelōng ea Ka ka Sebele." Mohlabani e moholo eo, Davida, a khona joang ho etsa seo a se entseng, ho nka Uria, lesolle la hae, athe mono ho ne ho tletse masole a ba-Lichaba? Utloang pale ena nakoana feela. Athe ba ne ba beile masole kantle mono, 'me ke eéna Uria ea kileng a ema le Davida. Uria e ne e le moproselite, oa mo-Hethe, moproselite oa tumelo ea ba-Juda. 'Me Davida a ratoa ke banna bao haholo! Ba bone tlolo holim'a hae, leha koana e—e ne e le 'malehi. A lelerisitsoe naheng ea ha'bo, a tlameha ho phela le Baflista. A tsongoa ke Saule. Empa koana banna bao, ba bone tlolo e holim'a hae! Ba mo tsebile a tla beoa boholong. Khanya ho Molimo!

¹⁰⁹ Kajeno ke thabetse ho ba moleleri, hobane ke bona Kreste e tla ba Khosi. Le ka khetha bo-Kennedy bohle le sohle seo le se batlang. Empa Kreste e tla ba Khosi! Tlolo e holim'a Hae, holim'a Molaetsa oa ho Khutla ha Hae. 'Me e tla ba Khosi!

¹¹⁰ Ba entse'ng? Tsatsi le leng ke ha a eme holimo mono a nyoretsoe metsi a tsoang khorong kantle mono Bethlehema, a kile a alosa linku teng. 'Me lea tseba ke'ng? Banna ba babeli ba bao ba tšoara lisabole ba fohla linama tsa batho limaele tse leshome le metso e mehlano, ho mo tlisetsa nkho ea metsi. Hobane, khele, hobane takatso ea hae e nyenyane e ne e le molao ho bona. E nahaneng! 'Me ba phahlile banna bao, ho fihla hlorong ea thaba koana moo a tlalehiloeng a ne a eme teng e ka ba limaele tse leshome le metso e mehlano. Ba ile ba hleka mono. 'Me e ne re ha monna e hlaha, ba mo hlasele ba 'molaea. Ba feta! 'Me ba nka nkho ena ba kha metsi ka nkho, ba fohla litheko tsa sera hantle, banna ba babeli, ho khella khosi ea bona, moena oa bona, metsi a nooang. Athe, o tšoere metsi holimo mono, feela a batlide metsi *ao*.

¹¹¹ Oho Molimo, e re ke tšoare Sabole ea Lentsoe 'me ke khaole mokhatlo ofe le ofe, ho khutlisetsa kolobetso ea Lebitso la Jesu Kreste, le Matla a tsoho le Moea o Halalelang, bathong, ho sa tsottelehe...hobane O tlil'o lula boholong. O tlil'o lula boholong, O tla ema a inotši. Empa Ke ho hlaba mokhatlo ofe le ofe, ho khethula khopolo efe le efe, tumeloana efe le efe e entsoeng ke motho, ho fihlela u khutlisetsa 'Moloki nku e lahlehileng, motho a itseng, ho khutlisa Lithuto tsa Bibebe hape, tsa Jesu Kreste eéna maobane, kajeno, le ka mehla. Mohau oa Molimo!

¹¹² Shebang Davida. A khona joang ho etsa...E mong o qhometsse lemeneng a bolaea tau. Davida a hla a nka mosali oa Uria joang, Bathsheba e motle, athe ba hae ba makholo a mahlano? Empa a 'mona a ntse a tola. 'Me boo ke bona bohlasoa. Joale, a lebala ho theola masira a ntse a tola, 'me o tsebile khosi a feta mono, pel'a teng, letsatsi ka leng, tlase holim'a lerako.

¹¹³ Ke bona bothata. Ha ke kholoe basali ba le bohlasoa hakaalo kapa ka mokhoa 'ona, be, ba itsoela feela ba le phosho, ke phetho, literateng, ba apere boseberoana ba liaparo. Ke lihlong! Ebe le ipotsa lebaka la banna ha ba letsa mololi 'me ba butšoela hutara. Khele, ba etsisa hona hore ba letse mololi 'me ba itšoare joalo. Ba tseba seo, kellelo ea bona e hlapohohetsoe ho lekana ho tseba seo. Ba etsa joalo hobane ba batla. E pelōng ea bona. Ha u ba bolella ka mekhua ea bona e nyehileng, ba ka e latola. Empa mohlomong ha ba itšoara hampe, ba ka hloeka sa mohalalitoe, ho latela bong. Empa, hopolang, ba arubelitsoe ke moea, tlolo eo ea liabolosi, e isang moea oa monna ea itseng liheleng. Hopolang, Bibebe e boletse, "Ea shebang mosali, ho mo lakatsa, o se a mo ebile pelōng ea hae." 'Me hopola, khaitseli, u tla arabela bofebe leha koana u eso bo etse bophelong ba hao, empa moetsalibe eo ea u shebileng ka moaparo oa hao, o tla jara molato oa bofebe.

U tla arabela bofebe, Letsatsing la Kahlolo. Mohla a tlamehang ho bolela . . .

¹¹⁴ Mona o a bua, O ngotse Bukeng ea Hae, “Ho feba.”

“Le mang?”

“Mof. John Doe.”

“Joae, Mof. John Doe, u reng ka taba eo?”

¹¹⁵ “Nka hlapanya ke . . . U tseba rekoto ea ka, ha ke eso phele le monna o sele ntle le monna oa ka.”

¹¹⁶ “Empa moaparo oa hao o lihetse monna enoa bofebeng. ’Me u molato oa ho feba le eéna. O bo entse mohlang oo. Ke molato oa hao, ke uena ea ipepesitseng.”

¹¹⁷ Bathsheba o sitiloe se sa Eva ha a sitiloe, empa Adama o kenyelletsoa ho eona. Ke nahana re hloliea ka basali khafetsa, le hona. Lôna le bara ba Molimo, banna. Ke tseba hoba le sehlopha se matla ho feta, ke hantle, pitsa e matla ho feta. Le ka holim’ a basali, ho joalo, itšoareng joalo ke hona. Le se ke la ba hatella ka matla, ho leka ho nka ngoanana ea itseng ho senya bophelo ba hae. Empa u mora oa Molimo, ’molelle hobane o phoso, ’me u eme joalo ka mora Molimo. Ke khaitseli ea hao eo. È, monghali. Seo re lekang ho se etsa, se bitsoang bara ba Molimo kajeno, ke litho tsa likereke, ba nka ngoanana ofe feela eo ba ka mo khonang. Hopola, mosali o makhobotlo hobane o sentsoe ke monna ea nyetseng, hape. Ka hona, ke likhala tsa molapo o le mong, ak’o hopole feela. Ntho eohle e hlahisoa ke sebe. ’Me bohle re tla’sa bohlanka ba lefu, ’me re tlameha ho bolaeloa eona.

¹¹⁸ Mohla Davida etsang bobo bona, kahlolo ea hae e tlamehile e be e ’molaile. Mohla moporofeta a nyolohetseng mono, o hopotse a ipatile. Eare ha moporofeta eo a fihla mono ’me a ema ka pel’ a hae, o itse, “Davida, ana tsohle li lutse hantle?”

Ho re, “Tsohle li lokile.”

¹¹⁹ Davida, ka liaparo tse khabileng tsa hae le moqhaka oa hae o moholo, ’me teng Joabe a eme lephakong la hae, mogenerale oa hae e moholo, ’me ntoa e ntse e loana. A ntse a phoka lira tsohle lintšing tsa moeli le lintho, ntho tsohle li lokile. A tsoetse lesea ka Bathesheba enoa. ’Me a nehela mothoana oa batho Uria ka ntle mono, ’me Joabe a eme lephakong la hae, ho fihlela a mo tlosa ho eéna. ’Me—’me—’me moshanyana o shoele ha letsatsi le likela, a fupere thipa ea ntoa letsohong la hae, thebe ea hae e khenathetse mali, o ne a loanela Iseraele, koana e le moproselite tumelong ea bona. Mohla Joabe a khutileng a mo phetela hore—hore Davida o shoele . . . hore—hore Uria o shoele, Davida a nahana, “Tsohle li lokile joale. Ke fumane mosali oa hae, ’me tsohle li tla itokela. Ke tsoetse lesea.” Empa lesea la kula. Lesea la qala la shoa. ’Me a etsa ka bokhoni bohle ba hae ho pholosa bophelo ba lesea, e ka ba ho tlide ngaka e ’ngoe le e ’ngoe. Ha ho thuse letho. Qetellong, lesea la shoa. Ba tšaba ho bolella Davida litaba tsa

lesea le shoeleng. 'Me la shoa. A hopola sohle se patehile. Eaba o tselisa Bathesheba. A se a mo nkile ho ba mosali oa hae, ka mora basali ba bang bao bohle.

¹²⁰ Moporofeta oa khale, mothaka ea lefatla a kena a ntse a tila, Nathane oa leqheku, a tsoa nahathote, a lula fatše, a re, "Davida, litaba li eme joang?"

¹²¹ Ha thoe, "Hantle! Hantle! Uena leqheku la khale la moporofeta oa Molimo, phela ka mehla le mehla! Alleluia!" Oh, a mpa feela... O hopotse tsohle li lokile, o hopotse a ka e pata.

¹²² Empa u ke ke ua ipatela Molimo! O tseba monahano oa hao le hona joale. O tseba menahano ea hao, hobane Ke Molimo. Moea o Halalelang oo o ka mohahong hoseng hona, o tseba menahano ea hao, hore u mang, moo u tsoang teng, seo u se entseng, hoba Jesu Kreste esale eéna maobane, kajeno, le ka mehla.

¹²³ Molimo ke ha o e senoletse moporofeta eo. O itse, "Davida, monna oa morui o kile a phela lehlakoreng *lena* la tsela, a ruile manku a mangata, oh, a hlile a atetsoe. Athé monna ea phelang lehlakoreng le *koano* la tsela, a futsanehile, konyana ea hae e le 'ngoe. A bokotsa joalo ka morali oa hae. A e fepa ka khaba a jang ka eona. A ea robala le konyana eo. Ntho eohle feela e le... Ho eéna e tsoana le moralı. Eaba moeti o eta tsatsi le leng, ka hona, morui sebakeng sa ho tsoara e 'ngoe ea nku tsa hae a etsetsa moeti mokete, be, lebakeng leo, a tloha a tsoara konyana ea monna oa mofumanehi, 'me ka likhoka, a mo amoha konyana a e hlaba, a etsa mokete."

¹²⁴ Joale, lerato la Davida le ne le tlokoma moo. A ithuetse basali ba makholo a mahlano, empa mohla a boneng mosali oa Uria, sebakeng sa ho nka e mong oa basali ba hae, ho khotosafatsa mahlahahlah a hae, a tloha, a nka mosali oa monna e mong, a nto bolaea Uria mohla a imileng. Davida a sa tsebe seo a se etsang, khele, Davida a se a tla liha kahlolo. Le rōna re joalo. Re hlile re ahlola mothaka e mong, empa hae tobana le rōna, oh, ho fapane.

¹²⁵ Davida a re, "Monna o tla lefa ka bophelo ba hae."

¹²⁶ Moporofeta eo oa leqheku, mahlo a hae a sesefala. A re, "Davida, ruri u ke ke ua shoa!" Shebang mohau o raohang ka potlako mono. Moea oa tsoara moporofeta, ho pholosa bophelo ba Davida. Mohau, "Ruri u ke ke ua shoa, feela sabole ha ka ke ea tloha tlung ena ho fihlela pelō ea hao hloekisitsoe ka botlalo. Hoba, ke uena monna oa morui." Oh, e ne e fapane nakong eo, ha ho joalo na?

¹²⁷ Davida o pholositsoe ke'ng, athe o lihile kahlolo ka seqo, "Monna eo a shoe! O tla phetetsoa ka botlalo, 'me o tla lefa ka bophelo ba hae"?

¹²⁸ 'Me moporofeta o itse, "Ruri (mohau) ha u ka ke ua shoa. Ha u ka ke ua shoa, Davida. O bolokehile ka mohau." E ne e le mohau, ho Davida, o mo bolokileng. Oh, banna!

¹²⁹ Hola e se be ka mohau, re ka be re le ho kae? Na ho joalo? Ehlide bo.

¹³⁰ Mohau o ikemetseng o tsoa ho Ea ikemetseng. Mohau o ikemetseng ho tsoa ho Ea ikemetseng. Boikemelo, bo khona ho etsa'ng? Boikemelo bo ka etsa seo bo se batlang. Mamelang sena joale. Mohau oa boikemelo o ka abjoa feela ke Ea Ikemetseng. 'Me Molimo o Ikemetse, ka hona a ka aba mohau o ikemetseng. Ka baka leo ka Boikemelo, mohau ha o a tlangoa ho botsa mang, ha o a tlameha joalo. O etsa seo u se batlang. Na ha e babatsehe? Ha o a tlameha ho kopa, "Na nka etsa see? Kapa, na nka etsa see? Ebe nka khona? Na ke tšoanetse? Na ke tla khona?" Ha o sebetse joalo. O sebetsa ka Seqo. Mohau o Ikemetse, ka baka leo O ka pholosa ea soto ho fetisisa, A ka pholosa ea bokhopo bo fetisang, A ka pholosa ea sa hloekang ho fetisa, A ka pholosa ea mekhoa e nyehlileng ho fetisa, A ka folisa ea kulang ho fetisa. Alleluia!

¹³¹ A ka pholosa ea malimabe joalo ka 'na. 'Me O entse joalo. Ke eng? Mohau! William Branham, mora oa letaho. Ha se lebaka, mohau oa Molimo o mpholositse!

¹³² "'Na, ke morali oa mosali ea neng a sa loka." Ha e etse phapang ea letho, u bolokehile ke mohau oa Molimo. Ke Boikemelo, ha o a tlangoa ho kopa letho ho mang. Amen! Ke thabetse hoo haholo. Alleluia!

¹³³ O ka tšoara moetsalibe ea soto ho fetisa oa mo soeufatsa sa lehloa, ha o a tlangoa ho e kopa ho mang. Oh, O ka e sebetsa joalo hobane Ke Boikemelo. Mamelang, ka potlako joale.

¹³⁴ Taba eo e pakiloe sefapanong, mohla lesholu le soto ho fetisa, a loketsoe ke lefu. Molimo a e-so fihle mohopolong oa hae le le ka mohla. Ha a e-so E nahane le ka mohla. Mono sefapanong mohlang oo, ka melomo e mali eo, har'a mefehelo ho tsoile molumo, "Morena, nkauhuele!"

¹³⁵ 'Me eaba e Mong o khutla a fihla ka Mali, likeleli, mahlomola, mohau oa hlaha oa re, "Kajeno u tla ba le 'Na Paradeiseng." Mohau o entse hoo. Lesholu leo le be le ka ithusa joang? Joaloka Adama ea sitiloeng ho ithusa, le Eva o be a ka sitoa ho ithusa, le uena u ke ke ua ithusa, le 'na nke ke ka ithusa, re ke ke ra inyollela ho Molala ka mabanta a rōna. Re ka sitoa. Empa mohau oa Molimo o ka etsa se seng, 'me o etsa joalo! Mohau oa Molimo, boikemelo ba mohau oa Molimo, bo fihletse lesholu le shoang leo, "Kajeno u tla ba le 'Na Paradeising." Oh, e nahaneng! E a babatseha.

¹³⁶ Nahanang ka lerato le mohau e le likhaiseli, ke likhaiseli tsa mafahla. U ke ke ua ba le mohau u se na lerato. Ke likhaiseli tsa mafahla. Hantle haholo. Pele u ka ba le mohau, u tlameha ho

ba le lerato. Hantle-ntle pele u ka hauhela motho, u a ba rata; a lokile kapa a fositse, u tlameha ho ba rata, leha ho le joalo, ho seng joalo u ke ke ua khona. Ua bona? Ka baka leo lerato le mohau ke ntho e le 'ngoe. Ke mafahla a likhaiseli feela, ke phetho, lerato le mohau. Tseo, re ne re . . . Re ke ke ra bona e 'ngoe e ngoe e le sieo. "Molimo o ratile lefatše ha kaalo, oa le nea Mora oa Oona ea tsoetsoeng a inotši," Oa tšolla mohau oa Hae, 'me oa o tšela lipelōng tsa rōna ka Moea o Halalelang. Lea bona? U ke ke ua etsa letho u sa sebetse ka e 'ngoe. Mohau, re bolokeha ke mohau oa Molimo.

¹³⁷ Joale rea fumana, hore mohau, mono joaloka lesholu leo le shoang, ha se mohlolo liroki li bululetsoe mohla li o boneng. Seroki se seng se boletse:

'Sholu le shoang le thabetse ho bona
 'Liba seo tšiung ea lona;
 'Na, le ha ke le soto sa lona,
 Nka hlatsoa libe tsa ka le tsona.

Esale ke bona molapo oo ka tumelo
 O tlatoang ke maqeba a Hao,
 Lerato le Mokhethoa ke lepetjo la ka joale,
 'Me e tla ba lona ho fihlela ke shoa.

Ka thoko e monate, e mosa,
 Ke tla bina matla a Hao a pholosang,
 Mohla leleme lena, le hooeleeang
 Le khutsitseng le robetse lebitleng.

Mohau, mohau o hlollang! Alleluia! E mong o ngotse ka 'ona:

Oh, 'rato la Molimo, le enne le hloekile!
 Le tebile le matla ha kakang!
 Le tla hlola ka mehla,
 Thoko ea bahalaleli le mangeloi.

Hola ra tlatsa leoatle ka enke,
 Hola maholimō e le letlaloana;
 'Hlokoana ka leng fatše e le lesiba,
 Batho bohole e le bangoli ka khoebo;

Ho ngola lerato la Molimo holimo
 Ho ka omisoa maoatle khore;
 Kapa na ebe lengolo le ka ngola tsohle,
 Leha le sarolotsoe sebaka ka sebaka.

¹³⁸ Ke eona, mohau, mohau oa Molimo. Mohau oa Molimo o akhetse seriti . . . Molimo o tliselitse maphelo a rōna mohau ka lerato la Oona ho rōna. Se seng seo mohau o sa se khoneng ke sena; mohau o ke ke oa rekhoa, mohau o ke ke oa rekisoa. Ke mohau! O tlide ka Ea ruileng boikemelo. E, monghali. U ke ke ua oa ananya ka ona. U ka re, "Molimo, ke tla etsa *hore-le-hore* ha U ka etsa *hore-le-hore*." U ke ke ua etsa hoo. Molimo o ke

ke oa etsa joalo. U ke ke ua hotolla letho ho Molimo. Molimo o u neile eona ka mohau. Oh, oh, oh, banna!

¹³⁹ “Ha se ea batlang kapa ea mathang, empa ke Molimo o hauhelang.” Ke hantle.

¹⁴⁰ Batho ba namalla ka lifahleho tsa bona. ‘Me ba bang ba tla ho ’na...Kea kholoa ke bone e mong oa bashanyana morao koana moahong kajeno. Moshanyana oa Methodise o sa tsoa kena, ‘me o amohetse Moea o Halalelang, o tsoa holimo koana...’Me bashanyana bao ba tlide ho ’na, ha thoe, “Joale, Moena Branham, joale haele moo re pholositsoe ‘me re amohetse Moea o Halalelang, na re ka tsoma lineo?”

Ka re, “Le se ke. Le se ke.”

¹⁴¹ Molimo lineo tsa Oona o li aba ka boikemelo. Lineo le lipitsa ha li tlisoe ke pako. Ntho ea pele lea tseba, u qala u batla ntho e itseng, “Molimo, U nketse moreri, U nketsetse *sena*,” athe u tlil’o fetoha eng? Fatolahali ea hempe e hlohluoeng, ke phetho. U tla ea kenela thutobolimo ea motho le mokhatlo o itseng, ‘me u a ithara ‘me u a bola. E re Molimo a bitse. Molimo o tla u bitsa, Molimo o tla u halaletsa, Molimo o tla u nea seo A hlokang ho u nea sona. E, monghali.

¹⁴² U ke ke ua hlaba selekane sa mohau. Che, monghali. Uena, u ke ke ua rekisoa, o ke ke oa hlabeloa selekane, hape o ke ke oa rekoo, ho ke ke ha ananngoa ka ’ona. U ke ke ua re, “Be, joale, Morena, ke tla ngolisa le kereke e khōlō ena ea Baptise, kapa kereke e khōlō ena ea Methodise, kapa kereke e khōlō ena ea Pentekosta, kapa kereke e khōlō ena ea Nazarene. Ke tla etsa *sena* hola feela U ka nketsetsa *sena*.” O ke ke oa hlabeloa selekane. Che, monghali.

¹⁴³ “Bohole bao Ntate a ’Neileng bona ba tla tla ho ’Na. Ha ho ea ka tlang ho ’Na a sa huloe ke Ntate oa Ka pele.”

¹⁴⁴ U fetoha setho sa kerekehali eo feela, ke phetho, u ke ke ua pholosoa. Mohau o tlameha ho u pholosa. Litalenta tsa rōna ha lia itšetleha, ‘me litalenta tsa rōna li ke ke tsa fetoloa tlintho tsa rōna—rōna...Litalenta tsa rōna, re ke ke ra rekoloheloa mohau ka litalenta.

¹⁴⁵ Ha Molimo a mpeile moreri, ha se bopaki ba mohau oa Molimo o atoloselitsoeng ’na. Che, che. Ke bolokehile ke mohau oa Hae o le mong feela. Ha se hobane ke rera Evangel, ha ke pholositsoe. Ha se hobane u bua ka lipuo, u pholositsoeng. Oh, che. Ha se hobane uena, hobane u rera. Ebile ha u a pholosoa hobane u rera. U a—ha u a pholosoa hobane u bua lipuo. Ha u a pholosoa hobane u etsa ntho efe ea tsena. Bakorinthe ba Pele 13 e a paka, “Leha nka bua lipuo tsa batho le Mangeli, le ha nka utloisia liphiri tsohle tsa Molimo (moreri), le ha nka etsa *sena* sohle, ke na le tumelo ea ho suthisa lithaba, ha ke letho pele chariti a kena, e leng lerato.” Lerato ke mohau. Sohle se etsoa ke mohau oa Molimo.

¹⁴⁶ Batho ba bang, le fuoe litalenta tse kang tsa likhosи tse ling tsena tsa rokon-rolo. E nkulisa ka hare koana, ha ke tsebe, maleng a moea oa ka. Ke tla le bolella, ha ke utloa rokon-rolo ena e phahama bosiu ba Moqebelo 'me ba bina rokon-rolo, 'me ba tantša bosiu bohle, 'me hoseng ho latelang ho tobana le letšoel le lintho ka mokhoa tse lekang ho shoba sefahleho se halalelang, le ho ema holimo mono ka pel'a batho ho bina sefela sa mofuta, 'me ba hopola ba ea Leholidong. Nka bitsa mabitso, feela ha kea tlameha. Teipi ena e ea hohle. Empa bohle lea tseba. Ha se khale ha moshanyana nakoana mona, koana Hollywood, o ne a sa batle ho aka ngoanana hobane e le khahlano le "borapeli" ba hae. Khahlano le "borapeli" ba hae, 'me a katlatsa litšoantšo tsa rock-and-roll le lintho tse lihlong, le lintho tse kang tseo—tse kang tseo. Ana u hopola u ka tšoara likotoana tse mashome a mararō tsa silifera 'me oa una mohau oa Molimo, Judase? Li ke ke tsa reka letho haese sebaka sa hao liheleng!

¹⁴⁷ Mohau oa Molimo ha o hlabeloe selekane, le joalo ha ho... ha o kenoē ka talenta. Ke mohau oa boikemelo! "Ke tla le feela matsohong, ke tšoara sefapano sa Hao feela." Ke tla feela, ke tetekiloe, ke tla ke le feela.

Ke tla ke le feela, ke se na tokelo,
Mali a Hao a tšoletsoe 'na,
Athe U ntela ho tla ho Uena,
Oho Konyana ea Molimo, kea tla!

¹⁴⁸ Ke phetho, ke tlisitsoe ke mohau. E entsoe ke mohau. Mohau o a tšoana, ntho e 'ngoe eo ke batlang ho e bua, ka linako tse ling mohau ke...

¹⁴⁹ Likereke tse khōlō tsena, ba hopola u ka theohela mono, ba nahana, "Be, re hahile kerekē e khōlō motseng. Mona re theile sosaiti ea maleiti ea mafutsana... liaparo tsa mafutsana, re li romela mose ho maoatle. Re fepa mafutsana. Re etsa sena sohle."

Pauluse o itse, "Nka etsa joalo, 'me ke se letho."

¹⁵⁰ Ba re, "Be, rōna, re mokhatlo oa khale. Re qetile lilemo tse likete tse peli mona. Lilemo tsa rōna li makholo a mahlano. John Wesley, Alexander Campbell, le bathei bana bohle ba baholo morao mane, ba theile kerekē ea rōna. Alleluia!"

¹⁵¹ Be, Kerekē ena e theiloe ke Jesu Kreste, kolobetso ea Moea o Halalelang, 'me ba laetsoe ho nyolohela Pentekosta; le ho ema ho fihlela ba amohetse Matla a tsoang Holimo.

¹⁵² 'Me u ka ba setho sa kerekē ea Pentekosta 'me oa lahleha. Kerekē ea Pentekosta ha e fetise kerekē efe e sele. Ke hantle.

¹⁵³ Taba e leng teng, Kerekē e 'ngoe, ke Kerekē eo u tsoalloang ho eona ka kolobetso ea Moea o Halalelang, "Hoba ka Moea o le mong re kolobeletsoa bohle 'Meleng o le mong," Bakorinthe ba Pele 12:13, ke hantle, Pele—Pele Bakorinthe 12. Joale, re kolobeletsoa Kerekeng eo.

¹⁵⁴ Empa batho ba nahana hore ba ka e sebeletsa. “Khele, rōna, ke—ke kene sekolo ’me ke ithutile ho etsa *sena*, ke bile ke kene diseminare ke entse...” Ha e bolele ntho le e ’ngoe. U ke ke ua reka mohau oa Molimo.

¹⁵⁵ Mohau oa Molimo o tjena. Ha nke ke le phetele pale, qetellong. Mohau oa Molimo o tjena. Khosi e matla ka mohla o mong, ’me khosi e matla a e na le mora homme mora ea mong ho eéna. ’Me tsatsi le leng molai a bolaea moshanyana eo. ’Me baemeli ba seseфа ’muso oo ba tsoma ’molai eo. Qetellong ba fumana ’molai eo. ’Me hoba ba mo fumane, ba mo khutlisa ba mo hlahlela ntloana-tšoana. ’Me ha ba entse joalo, ha hloauoa letsatsi la nyeoe ’me ha lihuoa kahlolo. Oh, e ne e le ntho ea tšabehang. O ne a bolaile mora khosi, ’me o tsebile se tlang se mo tobile.

¹⁵⁶ Ba mo hlahlela lichankaneng tse ka hare, ba notlelala menyako, ba e patisa ka thata hore mang a se... balebeli ba o lebeletse, hoba re tseba kotlo e nyarosang e tla tšolleloa moshanyana enoa, hobane o fenethile mora oa khosi, mora oa boreneneng, oa khosi. Balebeli ba hlongoa menyako. A hlahleloa lichankaneng tse ka hare. A hlobolisoa, a sa apara letho haese e—e tšea feela. ’Me ke eo, o lutse maemong ao. A bolaaoa ke tlala, a sa fuoe le lijo tsa letho. A lutse maemong ao.

¹⁵⁷ Eaba ba mo hulela nyeoeng. A fumanoa a le molato ’me a pakoa a le molato. Nyeoe ea liuoa, a tla fanyehoa tlas’ a kahlolo e nyarosang ea lefu, a tla bolaaoa hanyane-ka-hanyane ho fihlela bophelo ba hae bo felang bo felile. A ahlotsue ke moahloli, a tla shoa. A qeka ’me a lla, a re, “Leha ke le molato, leha ke le molato, ke masoabi ka ketso ea ka. Ea ka nka be ke sa etsa joalo. Ke masoabi ha ke entse joalo. Ke e entse, nakoaneng feela, ha mabifi a phasoloha. Ke ne ke sa ikemisetsa ho etsa joalo.”

¹⁵⁸ Tsatsi le leng khosi ea etela nqaleng eo, ho bona moshanyana, ho mo bolella, ho qoqa le eéna le ho bua le eéna ka ho bolaea mora oa hae ka sebele, mora ea mong feela ho eéna. O bolaile moshanyana eo. A re, “Ke tla theoha ke buisane le eéna.”

¹⁵⁹ ’Me eare ha theohela teng, a sheba motšeо ho hoko eo, a hlahletsue sa phoofolo. A bona ’mele o moketa o khohletse k’honeng, a ntse a lla. Sefahleho sa hae se bothetse ka hare, litlhaha tsa hae li oetsoe, mahlo a hae a liketse morao, mahlo a hae a le lithoko, ’me molomo oa hae o soefetse ka hohle; ka ho hloka metsi, a nyoriloe. A iname ka sefahleho motšeо mono, a ntse a lla. Khosi a re, “Ema.” A mo atamela, ’me a mo sheba. A re, “Mora oa ka u ’molaets’ng? Mora oa ka o u entse’ng? Ebe o u entse’ng ho lokeloa ke lefu le kang leo u ’molaileng lona, ha u mo hlabile bohlasa ka lerumo?”

¹⁶⁰ A re, “Letho, morena oa ka, ha ho ntho le e ’ngoe. Ke bohlaha ba ka feela, ke litsela tsa ka feela. Ke ’molaile ka mona, ’me ka siroa ke mabifi ’me ka ’molaea.” Ho re, “Joale ke tlil’o shoela

tlas'a toka ea hao, monghali. Kea lemoха ba ke lokeloa ke hona. Seo ke se llelang feela, ke ke masobabi a ka ho bolaea monna eo oa mali a boreneng joalo, ka lebaka le sa tsebisahaleng."

¹⁶¹ Khosi ea mo supa ka lirethe ea tsoa, ea ea lula setulong sa eona, 'me a re, "Lahlang lirekoto tsohle!" Lea tseba, ho le liketsa leoatleng la teballo. "Lahlang lirekoto tsohle! Mo hlatoeng, mo hloekiseng. Ke tla mo romella seaparo."

¹⁶² Ka mora nakoana, moleketla oa koloi ea limosine oa khiritsa monyako. Ka mora moo, kapeiti ea aloa monyako oa sele ea chankana. Khosi o ne a eme ntlheng e hole ea limosine, a re, "Tloo, mora oa ka, 'me u palame u ee hae le 'na paleising ea ka," a bea kobo ea khosi mahetleng a hae. A re, "Ho tloha kajeno lena u mora oa ka."

¹⁶³ Hobane o ne a le pelohlomohi, ke 'ona mohau oo. E ne e le 'na, e ne e le uena. Re bolaile Mora oa Molimo, ka libe tsa rōna. Re ne re le basele, litšila, bolile, re rapaletse lichankaneng tsa lefatše. Molimo o re hlatoitse ka Mali a Mora oa Oona ka Sebele, oa re hloekisa, oa re apesa kobo ea Moea o Halalelang. 'Me joale koloi e khōlō ea Molimo e tla kekella monyako tsatsi le leng, 'me re tla ea hae ho phela le Eéna. Lirekoto tsohle li hlakotsoe, re ke ke ra ahloloa hape; ho li chesa, O li kentse leoatleng la teballo 'me ha li sa hopoloa. Ha re makale ha re khona ho bina!

Mohau o mohlolo! Mololi o monate,
O pholositse 'na ea soto!
Ke ne lahlehile, joale ke thotsoe,
'Me ke fofetse, joale kea bona.

Mohau o rutile pelō ea me ho tšaba,
Mohau o pheutse litšabo tsa me;
Mohau o theko e thata o hlahile
Mohla ke neng ke lumela!

¹⁶⁴ Na u ke ke ua e lumella ho ba hora ea hao joale, motsoalle oa moetsalibe, ha re inamisa lihlooho tsa rōna nakoana polelong ea thapelo? Ena e be hora ea mohla u lumelang la ho qala, hona joale. Etsa qeto kelellong ea hao, le ho re, "Morena Molimo, ke molato. Kea lemoха ho nka mohau ho mpholosa. Nka sitoa ho ipholosa. Ke lahlehile. Ke felile. Ha ke khone ho etsa letho feela. Ke—ke—ke hloka thuso ka botlalo, ha ke na tšepo, ha ke na Molimo, ha ke na mohau, ha ke na Kreste, lefatšeng, ke hlobohiloe. Na U ke ke ua nkauhela le ho 'ntša seleng ea sebe seo ke leng ho sona kajeno, oho Morena? Le ho hauhela 'na, moetsalibe." Na u ka phahamisa letsoho la hao, ho re, "Morena Molimo, ke 'na motho eo ea hlokang mohau oa Hao"? Na u ka phahamisa letsoho la hao, ho re, "Nthapelle, Moena Branham, joale kea lumela"? Molimo a u hlohonolofatse morao mono, moena oa ka.

¹⁶⁵ Motho e mong o re, "Moena Branham, nkhopole joale, oh, moena, ka kōpo hle, thapelong." Molimo a u hlohonolofatse,

leleiti. "Rapela ho re . . ." Molimo a u hlohonolofatse, moena. Molimo a u hlohonolofatse, khaitseli. Molimo a u hlohonolofatse, moena, koana fesetereng. Molimo a u hlohonolofatse, moena, morao mono. Molimo a u hlohonolofatse, moena, ka mona, e mong hape. "Nkhopole, Moena Branham." Molimo a hlohonolofatse moena oa ka morao mane. E, e mong hape mona. Molimo a u hlohonolofatse, khaitseli. Molimo a u hlohonolofatse mona, moena. O a u bona joale. U hlile u tiisitse. Molimo a u hlohonolofatse, mohlankana. O a bona, ho tseba. Molimo a u hlohonolofatse, moena. Molimo a u hlohonolofatse, khaitseli pel'a lebota. Molimo a u hlohonolofatse tlase mona, moena. Molimo a u hlohonolofatse, moena ea morao a itsetlehile ka lebota.

Ke tla ke le feela, feela ke se na . . .

Na e mong a ka ba teng? Molimo a u hlohonolofatse. Ke bona letsoho la hao morao mono.

Empa Mali ao a tšoletsoe 'na,

E, Morena. Molimo a u hlohonolofatse, khaitseli.

'Me seo . . . (Molimo a u hlohonolofatse, khaitseli.) . . . U 'memela ho tla . . . (Molimo a u hlohonolofatse, motšeо koana . . . ? . . .) . . .
Uena,

Mohau, mohau, Ke . . . (Molimo a u hlohonolofatse, mosetsana.) . . . Kea tla!

Ke tla ke le feela, ka letho
Ho hlatsoa moea 'koli se setšo,
Ho Uena, Mali a Hao a hlatsoa sekoli sefe,
Oho Konyana ea . . . (mohau, oh, mohau) kea tla! kea tla!

¹⁶⁶ Joale, ho phahame matsoho a ka bang leshome le metso e mehlano kapa a mashome a mabeli. Joale ka lihlooho tsa lōna tse inamisisoeng, ke tla le kōpa lōna ba phahamisitseng matsoho, emang ka maoto a lōna ka khutso joale ha ke le etsetsa thapelo. Ha re na sebaka holimo mona aletareng. Ke feelsa, ha ke khone. Lōna le eme ka maoto a lōna, e mong le e mong ea phahamisitseng letsoho la bona, ea batlang ho rapelloa joale. Ema ka maoto a hao ke sa rapela. Ema ka maoto a hao feelsa, hohle.

. . . a tšoletsoe 'na,
'Me seo . . .

Ke botle, Molimo a u hlohonolofatse . . . ? . . .

. . . ke tla ho Uena,
Oho Konyana ea Molimo, kea tla!

¹⁶⁷ Hopolang, ho ka fihla mohla mohau o sa hholeng, ha u sa tla otlolleloa uena, nako e tla be e fetile. Joale nako ha e-so fete.

¹⁶⁸ Oho Molimo, Ntata Morena oa rōna Jesu Kreste, Ea boetseng a tsosa 'Moloki oa rōna bafung, joale ho phela, Eéna Ea phahameng Khanyeng, ho romela Moea o Halalelang oa Kreste holim'a rōna, ho lihela tsuo holim'a moetsalibe. Molimo, ke rapella batho bana ba emeng ka maoto a bona. Ke 'nete, Morena. O itse, "Ea tla Mpolela pel'a batho, le eéna Ke tla mo paka pel'a Ntate oa Ka le Mangeloi a halalelang." Rea tseba, mohla re emeng hoseng ho hoholo hoo ha kahlolo, e tla ba nako e kakang. Baeme joale, Morena, hore libe tsa bona li ba etelle pele; libe tsa batho ba bang li ba sala morao. Batho bana ba eme mona hoseng hona hobane ba ipolela libe tsa bona, ba itseba ba sitiloe 'me ba batla ho U etsa 'Moloki oa bona. U lekola matheka a lipelō, 'me U tseba sohle ka bona.

¹⁶⁹ Kea rapela, Ntate, hore U abe likōpo tsa bona. Ba pholose. Ke likhau tsa Molaetsa o monyenyanne hoseng hona, oa mohau oa Molimo; ho sa tsottelehe seo re se entseng, o sa ntse o inama le ho re nanabela. Aba sena, Morena. Aba mohau lipelōng tsena. Bohle ba ke ba bone Jesu joalo ka 'Moloki oa bona ka mehla. Ba nkile khato. Moea o Halalelag o ba laetse ho ema, 'me ba entse hoo. Moea o Halalelang o ba bolellang ho ema. 'Me bona, ka ho utloa Moea, ba eme.

¹⁷⁰ Joale, Morena, U boloka Lentsoe la Hao. U boletse, "Ha ho ea ka tlang ho 'Na a sa huloe ke Ntate oa Ka pele. 'Me bohle bao Ntate a 'Neileng bona, ba tla tla ho 'Na. Ea tlang ho 'Na, Nke ke ka mo lahlela ntle. Ea utloang Mantsoe a Ka 'me a lumela Ho ea Nthomileng, o na le Bophelo ba ka mehla, 'me a ke ke a tla kahlolong o mpa a tlohile lefung ho kena Bophelong." Ka baka leo, Morena, holim'a motheo oa Mangolo ana, ao ke Mantsoe a Hao ka Seqo, Morena, ao re a balang ho Santa Johanne 5:24, "Ea tlang ho utloa Mantsoe a Ka 'me a lumela ho Ea Nthomileng, o se a fumane!" Hobaneng? Hobane o lumetse, mohau o mo fihetse. "O tlide Bophelong ba ka mehla, 'me a ke ke a tla kahlolong (o tla falla pele ho kahlolo), 'me a ke ke a tla kahlolong o mpa a falletse lefung ho kena Bophelong." Oho Molimo, re U leboha hakakang ka sena!

¹⁷¹ Re U rapela joale ho ba baballa bophelong. Bona, e mong le e mong, a kolobetsoe, a ntse a bitsa Lebitso la Morena, ho hlatsoa libe tsa bona. Aba sena, Morena.

¹⁷² Joale ke ba hlahisa ho Uena, joalo ka mohlanka oa Hao, ho lumela hobane Lengeloi le leholo la Molimo Le bonahetse tlase mane. 'Me, Ntate, U tseba pale eo eohle, 'me Lengeloi le leholo leo le bonahetseng mono Labohlano hoseng, hantle feela ka mafube, ho bua Mantsoe ana, ka sebopheo sa meokoli e merarō e tsoang hlorong ea thaba. Morena Molimo, e re Molimo O ipontšitseng 'na mono ka meokoli e merarō, A pholose batho bana, ka mohau oa Hae, hona joale feela. Ke ba nea Uena, ke U lebeletse ho boloka Lentsoe la Hao, etsoe U tla etsa hoo, 'me 'na ke tla kopana le bona

ka letsatsi le leholo leo, ba se na letsika kapa letheba souleng ea bona. Aba sena. Ka Lebitso la Jesu, ke ba neela Uena. Amen.

¹⁷³ Molimo a le hlohonolofatse. Joale ha le lula fatše, Mokreste ofe ea lutseng pel'a batho bao, ba tsukutle ka letsoho. Ba bolelle, ba meme kerekeng, le eng hape, hore ba tle ba khone ho . . . Oh, na ha A babatsehe?

Mohau o mohlolo! mololi o monate,
O pholositse 'na ea soto!
Ke ne ke timetse, joale ke thotsoe,
Ke foufetse, joale kea bona.

Mohau o rutile pelō ea me tšabo,
Mohau o phumutse matsoalo a me;
Mohau o theko e thata o tlie
Mohla ke neng ke lumela!

Na u lumetse? Haeba u entse joalo, phahamisa letsoho la hao.

Oh, le 'na ke rata Jesu,
Oh, le 'na ke rata Jesu,
Oh, le 'na ke rata Jesu,
Hoba a nthatile pele.

Hoba re qete keteshome la lilemo,
Re phatsima sa letsatsi ka khanya;
Ha re haelloe ke matsatsi ho rorisa Molimo (ho
lebohuoe Molimo!)
Ho feta mohla re neng re qala.

¹⁷⁴ Lea Mo rata na? Joale, na ha A babatsehe? Joale . . .

Mohla . . .

Ha re re se bina hape, ke batla u tsukutlane le motho ea haufi le uena, ka khutso ea ruri u re, "Molimo a u hlohonolofatse, mojaki." Ka mosa oa ruri le ka khalalelo joale.

Mohla re seng . . . [Moena Branham le phutheho
ba tsukutlane ka matsoho—Mohl.] . . . ? . . .
poko ea Molimo
Ho feta mohla re neng re qala.

'Fapanong, 'fapanong ke bone Leseli,
Thoto tsa pelō ea me li tlositsoe,
Teng ka tutubolloa ka tumelo,
Ke thabile ka mehla!

Oh, 'fapanong, 'fapanong ke bone Leseli,
Thoto tsa pelō ea me li tlositsoe,
Teng ka tutubolloa ka tumelo,
Ke thabile ka mehla!

Ha le a thaba na?

Oa ntokolla Jesu oa ntokolla,
 Oa ntokolla Jesu oa ntokolla,
 Oh, oa ntokolla Jesu oa ntokolla,
 Ha se le thabo, glori, allelua, Jesu oa ntokolla.

Oh, oa ntokolla Jesu oa ntokolla,
 Oh, oa ntokolla Jesu oa ntokolla,
 Oh, oa ntokolla Jesu oa ntokolla,
 Ha se le thabo, glori, allelua, Jesu oa ntokolla.

¹⁷⁵ Ha le Mo rate na? Ha A babatsehe na? Oh, ke nahana A babatseha feela. Joale, nahanang feela, hore Bibebe ena ke 'Nete ea Hae, 'me Bibebe ena e ruta E le eéna maobane, kajeno, le ka mehla. Ke batla ho le botsa taba. Haeba E le eéna maobane, kajeno, le ka mehla... Molimo a ntšoarele ho bua lentsoe le thunthetsang borapeli la, "haeba," empa e sa le Eéna. Empa haeba esale Eéna, ke tla e bea joalo, E tla be e le Motho oa mofuta mong? O ne a tla tšoana le seo A neng a le sona.

¹⁷⁶ Joale, phapang ea Hae hoseng hona e 'ngoe feela papisong le mohla A leng har'a batho Galelea, ke nama ea 'mele oa Hae ka Seqo, 'mele oa Hae oa nama; hobane o nyolotsoe (le lumela seo?), o lutse letsohong le letona la Boholo bo Holimo, ho phela ka mehla ho re buella holim'a maipolelo a rōna. Hopolang, A ke ke a re etsetsa letho pele re Mo amohela 'me re lumela A entse joalo, le ho bolela A entse hoo, hoba ke Moprista e Moholo ea ka... Ke Moprista e Moholo ea re buellang holim'a maipolelo a rōna.

¹⁷⁷ Joale babali ba bangata ba Bibebe ba re ntho Eo e re "paka." "Me ho *paka* le ho *bolela* ke ntho e le 'ngoe. Lea bona?" "O entsoe Moprista e Moholo," Bukeng ea Baheberu, khaolo ea 3, "joale ea re buellang holim'a maipolelo a rōna." Ha ho le joalo A ke ke a etsa letho ho fihlela re bolela hore O e entse. Lea bona, u ka ithakhisa aletareng mona ua rapela bosiu bohle, e ke ke ea u thusa ka letho ho fihlela u lumetse hore O a u tšoarela, u ntano ema. 'Me tumelo efe eo u nang le eona, ke hona moo u... U kile ua phela ka tsela esele tlase *mona* qhafutsong ea sebe. Joale, lōna basokolloa ba bacha, joale lea lumela hore le bolokehile, na ha le etse joalo? Eaba le nyolleloa *mona*, la phahamela holingoana. Hoo ho etsoa ke'ng? Tumelo ea hao, hobane joale u lumela hore u Mokreste, hona joale u phela ka holim'a ntho eo. Lea bona? Joale haeba u batla ho phahamela holingoana, totisa tumelo ho feta, hobane ha e a beeloa moeli, tsoelapele feela.

¹⁷⁸ Be, oh, se sa khonahaleng se ka etsoa 'nete. Tsohle li ka etsetsoa ba lumelang. Ke hantle. "Ha u ka re ho thaba ena, 'sutha,' 'me u sa belaele pelōng ea hao, u mpa u lumela hobane u fumana seo u se bolelang, u ka fumana seo u se bolelang."

Joale Jesu Kreste o ahile bathong.

¹⁷⁹ Ka tsatsi le leng Kreste o ne a le Topallong ea Mollo, eo le E bonang e fotiloe, rea lumela hore Ke Jehova Molimo. Ke sona seo

Lengeloi le neng le leka ho re tlisetsa sona. Joale, mohlang O ne a lekhatheng la bo-Ntate, E ne e le Ntata Iseraele, sechaba.

¹⁸⁰ Eaba O a tla 'me a aha har'a batho ba Hae, joalo ka Kreste, Mora. Na ho joalo? Kreste e ne e le Mora Molimo.

¹⁸¹ Joale Ke Kreste, Moea o Halalelang, e leng Tlolo. *Kreste* ke ho re "motlotsuo," 'me ke Motlotsuo ea holim'a batho, Kreste le rōna, Moea o Halalelang. Ke Kreste le rōna, ka ho rōna. Na le lumela seo? Le apare tšabo e shoeletseng nakoana feela, ka khutso. Joale na ebe e sa le Eéna?

¹⁸² Kea khlooa ke fumane mohala nakoana e fetileng, 'me ha thoe batho ba luma-luma ka litulo le ka lintho tlase mona. Re tla bua ka eona ka mora nakoana tšebeletsong e itseng ea kereke. Ke boleletse Billy lekhatheng leo, haeba ba tlil'o rapella bakuli, haeba ba le bangata hakaalo tlase mane, a ba abele litlankana tsa thapelo. O itse o tla etsa joalo. Kea khlooa o entse joalo.

¹⁸³ Likhoeling tse peli kapa tse tharō tse fetileng, ho tloha ho etsahetse ketsahalo e itseng, bosebeletsi bona bo ile ba fihla moo bo batlang bo tsoa taolong ea ka. Ba ne ba bona temoho eo le lintho tse joalo, kamoo e neng e bua e bolella batho, hantle feela kamoo Morena oa rōna a entseng mohla A leng holim'a lefatše mona. Bohle le e bone, kea khlooa. Ba bakae mona ba eso e bone kapa ba eso e bone e sebetsa? Ha re boneng matsoho a lōna, ba e-so e bone. Oh! Ba e-so e bone e sebetsa. Be, sehlopha se teng se e-song ho e bone ka mona, kea khlooa baeti. Ha re tsebe moo batho ba tsoang teng.

¹⁸⁴ Ena ke tabernakele e sa khetheng nku ka pere. Ha re khahlano le malumeli a mabitso-bitso, empa rea—empa hape ha re ba tšehetse. Re mpa re ba lumella ho itsamaela la boithatelo ba bona. Re lumela ho nka batho... Haeba ba batla ho khutlela morao malumeling a mabitso-bitso, ho lokile, ha feela ba phela bophelo ba Mokreste. Re feela—re feela seteishene se pholosang moea. Ke seo bosebeletsi ba ka bo leng sona ho bona.

¹⁸⁵ Joale, empa ke lumela Bibele e ruta, ho Baheberu 13:8, ho thoe Jesu Kreste e sa le e eéna maobane, kajeno, le ka mehla. Na le lumela seo? [Phutheho e re, "Amen"—Mohl.] Be, haeba e sa le Eéna... Joale e re le sa lutse ka khutso e shoetseng motsotsotso feela, ke batla ho bua le lōna ho tsoa pelōng ea ka ka kotloloho, re nto tšoara tšebeletso ea pholiso. Ke batla ho le botsa taba. Haeba e le Eéna maobane, kajeno, le ka mehla, ebe O khonne joang... Mokhoa o le mong re neng re ka bolela, haeba E le Moea, O tla sebetsa joalo ka ha A sebelitse maobane. Na ho joalo? O ne a tla itšoara joalo ka ha A entse maobane. Ebe O sebelitse joang maobane?

¹⁸⁶ Na ebe O ne a fapane le motho ofe feela? Ke motho feela, a tšoana le motho. E ne e le motho. O ile a tsoaloa, E ne e le motho. O ne a e-na le nama le Mali. O utloile bohloko, A fehelo, O fetile litekong. E ne e le motho. Ke hantle, ha ho joalo?

¹⁸⁷ Empa se Mo entseng Molimo ke sefe? Ka hobane Moea oa Molimo o no o lutse ho Eéna. E ne e le Messia ea tlotsitsoeng. 'Me ba tsebile joang hore E ne e le eéna? Moshe o boletse, "Morena Molimo oa lõna o tla le hlahisetsa moporofeta ea joalo ka 'na. 'Me e ka re e mong ha a sa utloe Moporofeta enoa o tla khaoloa bathong." Joale, E ne e le moporofeta. Na ebe Israele o ne a shebeletse moporofeta? Ba ne ba tlamehile joalo, haeba ba ne ba shebeletse Messiah. 'Me Messiah e ne e tla ba moporofeta.

¹⁸⁸ Joale ha re e habanyeng motsotsoana feela, metsotsoana e 'maloa feela, 'me le sekehets'e tsebe. Joale, tsepamisang mohopoloo oa lõna ho Molimo, hoba ha re tsebe seo Molimo o ka se etsang, ha re tsebe seo A ka mpolellang ho se etsa.

¹⁸⁹ Ke tseba re fuoe neo ea boporofeta ka kerekeng. Moena Neville oa rōna, o porofetela batho, e leng bokhabane. Re ananelaa seo. Re buile ka eona khafetsa. Mona re fumana ba bang ba buang ka lipuo. Ha re lumele batho ba tlameha ho bua lipuo ho ba le Moea o Halalelang. Ha ho Lengolo la ntho e kang eo. Empa re lumela ho neo ea Moea o Halalelang e buang ka lipuo, re na le eona kerekeng ea rōna. Empa re etsa ho re ba... Ha re itšoare ka hore-le-ka hore. Re lumela E le Puo ea Molimo. Re bua ka nako ha Moea o Halalelang o bua, 'me re ba lumella e hlakisoa hararō feela. 'Me e tlameha joalo ho... e ke ke ea ntšeletsoa ke ntse ke rera kapa ka toka, hoba moea oa baporofeta o ikokobelets'a moporofeta. Lea bona? E tlameha ho ntšeletsoa ka toka ea Bibele. Ha ho ea ka hanang ntho e kang neo ea Moea o Halalelang 'me a bua ka lipuo. Re tseba seo. Bibele e ruta hoo, 'me rea e lumela. 'Me ho lebohuoe Molimo re e fumana kerekeng ea rōna mona! Re na le lineo tsa boporofeta, tsona li tšoanelaa ho lekoa pele ho hlahlojoa haeba li népile kapa che, e ntano ba neo ea boporofeta.

¹⁹⁰ Hape ho be le moporofeta. Joale, hoo, joale u kena ka har'a phaposi.

¹⁹¹ Tseo ke lineo, tseo ke tsona, ho bua ka lipuo, le phetolelo ea lipuo, le tsebo, le bohlale, le litemoho tsa moea, le joalo-joalo. Tseo tsohle ke lineo.

¹⁹² Empa hape ho be le liphaposi tse hlano. Pele ke baapostola, baporofeta, baruti, baboleli, le balisa. Tseo ke liphaposi tse reriloeng tsa Molimo. Li tšoaroa ke batho, lea bona. Ha li joalo, ha li khone... U ke ke ua li lakatsa, u ke ke ua li rapella; li abjoa ka boikemelo, u a tsoaloa.

¹⁹³ Moporofeta ha se moporofeta haeba a beoa matsoho ke motho e mong ho mo etsa moporofeta. Moporofeta o tsoaloa ho tloha popeleng ea 'ma'e, ke moporofeta, lea bona, ka hona ke moporofeta ka mehla. Lea bona?

¹⁹⁴ Molimo o boleletse Jeremia, ha thoe, "Le pele u emoloa popeleng ea 'ma'o," ho itsoe, "Ke u tsebile 'me ka u halalets'a 'me ka u khetha ho ba moporofeta holim'a lichaba." Ke hantle.

Lea bona? Moshe, le pele a tsoaloa, e ne e le ngoana e motle. E ne e le moporofeta oa Morena. Bao bohle ba tlileng. Kreste e ne e le Mora oa Molimo, ho tloha tšimong ea Edene. Ke hantle. Lea bona, lineo le lipitso ha li tlisoe ke pako.

¹⁹⁵ Empa lineo li neiloe 'Mele. Joale re evelloa seo, re evelloa lineo tsena tsohle.

¹⁹⁶ Joale ha re boneng seo Jesu a neng a le sona har'a rōna, ho bona seo A neng a le sona morao mane. Re Mo fumana mohla A neng a qala bosebeletsi ba Hae... Joale, sekehela tsebe, uena moeti. Khetlo la pele ha A qala bosebeletsi ba Hae, ho Santa Johanne, khaolo ea 1, rea fumana hoba A kolobetsoe, hoba A fihle... O tsoetsoe 'me A fihla lilemo tse mashome a mararō, A kolobetsoa ke Johanne. Moea o Halalelang o a theoha joalo ka leeba oa lula holim'a Hae, 'me Puo ea tsoa e re, "Enoa ke Mora oa Ka ea ratoang Eo Ke..." Segerike sa mantlha sa 'nete se itse, "Ho Eéna Ke khahlisoa ho lula." Ho itsoe, "Ke khahlisoa ho Eéna, ho Eéna—ho Eéna Ke khahlisoa ho lula." Empa, lea bona, e utloahala e hlanamisitsoe ho rōna, 'me ke leetsi pele ho leetsisi, empa ka tšoanelo ke, "Eo Ke khahlisoang ke ho lula ho Eéna." Hoba, Kreste, Molimo o no o le ho Kreste, o khutlisetsa lefatše ho Oona. Re tseba seo.

¹⁹⁷ Joale, hang A kena nahathote matsatsi a mashome a mane, ho lekoia ke diabolosi. Eaba O hlaha ka bosebeletsi ba Hae, ho qala ka ho rapella bakuli.

¹⁹⁸ 'Me ka mora nakoana, ha nyoloha monna ea bitsoang Simone Petrose, motšoasi oa khale oa lihlapi, a sa ruteha, a sa khone le ho ngola lebitso la hae. Andreatse a 'moleletse ka Thaka lena leo a le lumetseng e le Messia. "Bosoaoana!"

¹⁹⁹ A Mo atamela. 'Me hang ha a fihla pel'a Sefahleho sa Jesu, Jesu o itse, "Lebitso la hao u Simone, u mora Jonase." A tseba hoba se seng se etsahetse. A tseba hoba e ne e le Mora oa Molimo. 'Me ho khahlile Eéna ho mo nea linotlolo tsa 'Muso, ho mo bea hlooho ea kereke.

²⁰⁰ Mono ke ha ho eme mothaka e mong, ea bitsoang Filipi. Filipi o e bone, 'me a nahana, "Ho a babatseha! Ke tseba monna eéna ke moithuti oa Bibele, o phela limaele tse leshome le metso e mehlano ka mora thaba. Ke tla potela 'me ke 'molelle. Lebitso la hae ke Nathanaele."

²⁰¹ Eaba o titimela teng ka potlako hona tsatsing leo. A fihla hoseng ho hlahlamang, mafube a se a tla hlaha. A matha a nyoloha 'me a kokota monyako. 'Me Mof. Nathanaele a re, "Be, o tsoile o kene tšimong ea lifate kantle mane, Filipi." Motsoalle oa hae, a tsoela teng, 'me o ne a khumame, a rapela. Hang ha a ema mangoleng a hae, Filipi a re, "Tloo koano, u bone Eo ke mo fumaneng! Jesu oa Nazaretha, mora Josefa."

²⁰² Joale morapeli enoa, ea seriti a re, "Na ntho e molemo e ka tsoa Nazaretha?" Eaba o mo bolella taba e loketseng, e lokileng,

a re, “Se lule hae u e nyatsa, se tlohe u bua ka eona. Tloo feela, u iponele. Tloo, u bone! Tloo feela, u fumane haeba ntho e molemo e ka tsoa Nazaretha.”

²⁰³ “Ana u bua ka Messia? Khele, Messia o tla fihla, O tla theoha, ho theoha a tsoa . . . Lipachisi tsa Leholimō li tla lepeletsoa, O tla tsoa hantle a tote paleising. O tla tla mokhatlong oa rōna o moholo.” Ba sa ntse ba nahana joalo, le a bona, e tlameha ho tla mokhatlong oa bona. “O tla tla hantle mokhatlong oa rōna, a theohele holim’ a marulelo a paleisi mono. ’Me O tla tsoela mabaleng a ka ntle a ntoo nyolohela teroneng hantle, le holimo Sehalalelisong, le ho re, ‘Ke ’na Messia.’” Messia ha a tle joalo le ka mohla. Messia o tla moo A batlang teng. O ruile boikemelo, O seo A se A ratang.

A re, “Be,” a re, “tloo u bone! Tloo, u bone e le uena.”

²⁰⁴ U se ke ua emella thoko u re, “Ha ke lumele nyee eo ea mohalaleli-mothethehi.” Tloo feela, ho fumana haeba letho le le teng mabapi le Eona.

²⁰⁵ Ka hona eéna, tseleng e eang koo, ke ba utloa ba qoqa. Rōna, na le ka rata ho sebeloa moqoqo oa bona? Ha re mameleleng re bone moqoqo oa bona. Kea kholoa, ea re ba sa iphapitile le tsela, lea tseba, Filipi o itse, “Ua tseba, Nathanaele, ke u tseba u le moiuthuti oa Bibele, ke batla ho u botsa taba. Re shebeletse Messia, ha ho joalo na?”

²⁰⁶ “Oh, e, re fihla matsatsing a bofelo a moloko ona le sena, ke lumela moloko ona o tla bona Messia.” Joale mamelelang. “Oh, empa ke rōna bana, ebile ha re le sechaba, re qhalane ka ntle har’ a batho. Re ka khona joang? Sena sohle!” Molimo o hlaha horeng eo le sa e hopolang. Ke hona mohla A leng teng.

²⁰⁷ A re, “Empa, bea butle motsotso, Messia enoa e tla motho oa mofuta mong?”

“Oh, Moshe, moruti oa rōna, o re boleletse E tla ba moporofeta.”

²⁰⁸ “Ke tla u phetela litaba tsa Jesu enoa oa Nazaretha. U sa hopola ralihlapi eo oa khale ea sa balang mohla u rekang hlapi eo mohlang oo, ho tlisa, oa reka ho eéna, ’me a sa khone ho tekena rasiti eo, a sa ruteha ho lekaneng?”

²⁰⁹ “Yaa! Oh, oh, e, uh-huh. Jonase le moshanyana oa Jonase. Yaa, nkile ka reka ho Jonase, le ’na.”

²¹⁰ “Be, joale, lea tseba ke’ng? Petrose o ile a fihla mono . . .” Kapa Simone, ke rialo, o ne a bitsoa Simone mohlang oo. O itse, “Simone o ne a fihle kopanong ea Hae. ’Me hang hoba a nyolohe, a . . . U hopola kamoo Simone a re boleletseng khafetsa seo ntata’ e a ’moleletseng sona ‘Ho se thetsoe, hobane ho tla hlaha baporofeta ba bangata ba bohata pele ho Messia oa mannete.’ ’Me hoo ke ’nete. ‘Ho tla tsoa melaetsa e mengata.’ Empa ho itsoe, ‘Le tla tseba mohla Molaetsa oa mannete o

fihlang, hobane, hopolang, rōna ba-Juda re lumela Messia enoa e tla ba moporofeta.²¹¹ Re lumela baporofeta ba rōna.”

²¹¹ Botsa mo-Juda hona joale. Iseraele, ha ba thonaka Bibele eo hantle mono joale, ba tsoa holimo Iran le linthong tseo, ba E bala. Ba re, “Haeba Jesu eo e ne e le Messia, re ke re ’Mone a etsa pontšo ea moporofeta, re tla lumela ho Eéna.” E, monghali. Ba tseba hobane baporofeta bao népile.

²¹² Nathanaele o tšoanetse a be a itse, “Oh, kea lumela Messia e tla ba moporofeta, hoba Moshe o boletse, ‘Morena Molimo oa rōna o tla hlahisa moporofeta.’”

²¹³ “Be, ha a bona seo, Simone eo u buang ka eéna, A re, ‘Lebitso la hao u Simone, ’me u mora oa Jonase.’ A sa tsebe mo tsebe feela, empa O tsebile ntat’ae qheku leo le lokileng la Mofarisi.”

“Ah! Nke ke ka e lumela. U se u hlile u hlafetse.”

²¹⁴ A re, “Oh, che, lekhale! Tloo, u iphumanele. Tloo, u bone! Tloo!” Ke eo a tloha, a kena tseleng.

²¹⁵ Qetellong a kena ka pel’ a Sefahleho sa Jesu, mohlomong a eme kae-kae har’ a letšoelé. Jesu a eme mono, a ntse a qamaka. Ka mora nakoana A sheba koo, ’me A bona Nathanaele eme ka ntle mono, O itse, “Bonang mo-Israele, eo ho seng mano ho eéna!” Taba eo ea mo hlotla seteisele. Ea mo roba moea. “Bonang mo-Israele, eo ho seng mano ho eéna!”

²¹⁶ “Ke Molimo eo,” a re. “Rabbi,” ke ho re *moruti*, “Rabbi, U ntsebella kae? Ha ke e-so kopane le Uena le ka mohla, ’na ke moeti phuthehong ena, ha ke e-so fihle mona pele. U ka hla ua ntseba joang?”

²¹⁷ A re, “Le pele Filipi a u bitsa, u sa le tlas’ a sefate, Ke u bone.”

²¹⁸ Eo e ne e le Jesu maobane. Na ho joalo? Haeba E sa le eéna, E sa le eéna kajeno. Ha re qotseng sechaba sa batho ba bang. Ho be ho le batho ba sechaba . . .

²¹⁹ Lichaba tsa batho li ne li le tharō feela, ’me tsona ke Kama, Sema le batho ba Jafeta. Lea bona? Ke eona. Ke hona moo, mane Pentekosta, Evangelie rometsoeng ba-Juda, ea ntoo ba ba-Samaria, ’me e ntano ba-ba-Lichaba. Lea bona, Kama, Sema, le batho ba Jafeta, ke—ke lichaba tse tharō. Joale, lichaba tse peli tsa tseo li shebeletse Messia; ha se rōna ba-Lichaba. Re ne re jere molamu mokokotlong, re le bahetene, re khumamela liséto; empa e seng—e seng Kama le Jafeta.

²²⁰ Joale, se seng se teng joale, e—e se seng e ne e le ba-Samaria, bona e be e le halofo ea mo-Juda le mo-Lichaba, ba hlahisitsoe ke lenyalo la sebe sa Kora mono, ’me ba tlohile. ’Me ba lumetse ho Molimo, ba ne ba shebeletse Messia. Eaba Jesu o tloha, a Ipontša pel’ a bona. O tlide ho ba-Juda, ba Ha’bo, empa A hloka ho pota le ka Samaria. Santa Johanne 4, na le kile la e bala? ’Me A hloka ho pota ka Samaria. Eaba O fihla motseng oa Sikare, A roma barutuo ba Hae ho ea reka lijo. ’Me ea re ba sa ile . . .

²²¹ Ha u kile ua fihla teng, ke tšenola, selibeng, pompo ea motse e teng, ntho e joalo, ba khella metsi teng. Lea tseba, basali ba sotha lebili ba lepeletsa nkho, ho kha metsi, ba e roala hloohong tsa bona. 'Me joale basali ba makhobotlo, basali ba nyehlileng maitšaro, ha ba felehetse basali ba imametseng. Ba ne ba sa tsoakane litšiung tseo. Mosali e mobe, o lokotseha a le mong. Kajeno che; ba matahane 'moho, ba mpa feela... empa bao, ho tšoana le ho nka mothoebe oa lehe, le ho fehla ntho eohle bohlasoa, lea bona. Mehleng eo, bao, ka hona ho tlatsa sena...

²²² Mosali ea nyehlilengmekhoa o fihlile mono, ha e batlile ho ba mashome a mararō ka mora leshome le motso o mong kapa kotara pele ho leshome le metso e 'meli, nako e batlileng ho ba eona ena ea letsatsi, a fihla ho kha nkho ea metsi. 'Me a harolla e... a khoesa... Ke 'mona a thatela likhole mona le toloki, a e lepeletsa selibeng, ho kha metsi ka nkho. 'Me ea re a se a tla e nyolla, a utloa motho ea itseng, "Mosali, Mphe metsi." A sheba koo 'me ke ha e le mo-Juda. Joale, ba ne ba sa okhelane mollo.

²²³ Monna oa lilemo tse bohareng, A batla a le mashome a mararō. Empa Bibele ea re O bonahetse a le mashome a mahlano, le tseba seo. O itse, "U re U bone Abrahama, athe U monna ea sa feteng lilemo tse mashome a mahlano." O ne a le mashome a mararō feelsa. Lea bona? Ho re... Ke kholoa bosebeletsi ba Hae bo hlile ba Mo katla. Eaba o re, "U re U bone Abrahama, joale rea tseba U na le motemona."

²²⁴ A re, "Pele ho Abrahama, KE TENG." Lea bona, Ke Molimo oa Abrahama. Ehlide, E ne le eéna. O itse, "Pele ho Abrahama, KE TENG." Ehlide.

²²⁵ 'Me joale, Olutse mono selibeng, A re, "Mosali, Mphe metsi."

²²⁶ A re, "Ha se moetlo. Mona re na le khethollo." Joalo ka mehleng ea Boroa, ba 'mala le ba basoeu, lea bona. O itse, "Mona re na le khethollo. Ha se moetlo ha U nkopa tse joalo, Uena (u leng mo-Juda) u kopa 'na (mosali oa Samaria) thekolohelo, ntho efe. Ha re sebelisane." E ne e le mosajana oa seotsoa, lea tseba. Koana, mohlomong e le mosajana e motle. 'Me o ne a eme mono, mangetse a lepeletse hohle sefahlehong, lea tseba, 'me e sa le a tsoile bosiu bohle. 'Me—'me eaba o re, 'me eaba o re, "Ha se moetlo ha U kopa 'na, mosali oa Samaria, tse joalo."

²²⁷ A re, "Mosali, holane u tsebile Ea buang le uena, 'me u tsebile Eo u buang le eéna, u ka be u kopile metsi ho 'Na." Eo ke Messia maobane, lea bona. "U ka be u kopile metsi ho 'Na, Ke ne ke tla u fa metsi ao u sa tlang ho a kha mona."

²²⁸ "Hobaneng," o itse, "seliba se tebile, 'me ha U na sekhelello, u ka mpha metsi a tsoang kae?" Ho re, "Ntata rōna Jakobo!" Lea bona, e ne e le mo-Samaria, feela u bitsitse Jakobo ntat'ae, hape. "Bontata rōna, Jakobo o noelegele selibeng sena, likhomotsha hae, lelapla la hae. Athe U re U na le metsi a maholo ho ana?" Ho re,

“U re ‘ho rapeloe,’ Uena u leng mo-Juda, U re ‘Jerusalema.’ Rōna re re thabeng ena.”

²²⁹ A re, “Mosali, nako e a tla, le joale e fihlile, eo barapeli ba ‘nete ba tlāng ho rapela Molimo ka Moea, hoba Molimo ke Moea.” Lea bona? “Ntate o batla ba etsang joalo.”

O ne a etsa’ng? O ne a qoqa le eéna, ho hokana le moea oa hae. Lea bona? Joale, hopolang, e ka khona E be Messia, ka pel’ā ba-Samaria bao. Eaba O fumana bothata ba hae ka potlako. Ba ba kae ba tsebang hore e ne e le bofe? Ehlide. O ne a phela le monna oa hae oa botšeleta.

Ka hona, lea bona, e phoso ha monna oa hao a phela, ke ka hare, le—le joalo, le ho tsoa. ’Me leha lebaka e le lefe, ha u lahla mosali, u ntoo nyala, le ho tlōha ho ea nyala e mong, ho nyala e mong, ho nyala e mong, ha u a tlameha ho etsa joalo. Ka hona O itse, o . . .

’Me eéna, kea kholoa u phetse le bona ba sa mo nyala. Mohlomong ha ba ka ba mo nyala. Mohlomong o ne a eso nyaloe. Ka hona o buile lintho tsena tsohle tse mpe, le a tseba, ho etsa bobe bona bohle.

Eare A sa eme mono, a mo shalimile *joalo*, O itse, “E-ea, o Ntlisetse metsi.” ’Me o itse . . . “Empa holane u tsebile Eo u buang le eéna, u ne u tla kopa metsi ho ’Na. Ke tla u nea metsi a u sa tlāng . . . Ke tla u fa metsi, ao u sa tlāng koano ho a noa.” Eaba O re, “Ea, lata monna oa hao le tle koano.”

A re, “Monghali, ha ke na monna.”

“Oh,” A re, “teng u boletse. U bile le banna ba bahlano, le eo u lulang le eéna ha se monna oa hao. Mono teng u boletse.” Eéna, mamelang, mosali eo . . . Joale eitse ha e . . .

Ba-Juda ba Mo bitsitse’ng ha ba ‘Mone a etsa hoo? Ana ba Mo lemohile e le Messia? Che. Ba Mo bitsitse’ng? “Belsebule, senohe-ramahlohonolo,” ha thoe, “e ne e le matla a Belsebule.” ’Me ba seibile Moea oa Molimo, o nong o senola moea, “ntho e sa hloekang.”

O itse, “Ha le bua taba khahlano le ’Na, Ke tla le tšoarela hona. Empa tsatsi le leng Moea o Halalelang o tla fihla, o etsa hona hoo; ’me ha le bua taba khahlano le Oona, ha le ka ke la e tšoareloa le ka mohla.”

²³⁰ Ka hona na le bona moo re leng teng kajeno, holane e le kajeno. “Lentsoe le le leng khahlano le Eona, le ke ke la tšoareloa, le ha e le lefatšeng lena kapa lefatšeng le tlāng ho tla.” Ka hona na le bona se seo moloko ona o se entseng. Joale e nahanaeng. Nahana ka thata. Bea Mantsoe a mahlonoko ana sekaleng.

²³¹ Joale, ba-Juda ba itse, “Monna enoa lintho tsena o li etsa ka Belsebule. Ke liabolosi, senohe-ramahlohonolo.” Rea tseba ho

noha mahlohonolo ke liabolosi. Ka hona o itse, “Monna enoa ke senohe-ramahlohonolo.”

²³² Ka hona O ba tšoaretse ho 'Mitsa senohe-ramahlohonolo. Empa ka mora lefu la Hae 'me Moea o Halalelang o se o khutlide, ho ne ho fapane. Lea bona? 'Me hoo, ho lebahane le moloko oa ba-Lichaba. Joale lemohang.

Joale, e—e ba-Juda ba ne ba e bone, ba e ahlotse.

²³³ Ba-Samaria ba e amohetse, 'me o itse, “Monghali, kea lemoha U Moporofeta.” U tla etsa'ng ka eona, mo-Samaria? “Kea lemoha U Moporofeta. Rea tseba Messia mohla a ttileng, O tla re bolella lintho tsena.” Lea bona, ba tsebile Messia, hore E tla ba Mang. Ha thoe, “Rea tseba Messia, ea bitsoang Kreste, mohla A ttileng O tla re bolella lintho tsena. Empa Uena u Mang? Na U moporofeta oa Hae?”

A re, “Ke Eéna. Ke Eéna.”

²³⁴ 'Me ka polelo ena! Joale mamelang. Ka polelo ena, a siea nkho ea hae ea metsi a matha a kena motseng, 'me a bolella monna ea literateng, a matha a haola motse, ho re, “Tloong, le bone Monna Ea mpoleletseng tseo ke li entseng! Ana ha se eéna Messia?” 'Me Bibele e boletse motse 'ohle o lumetse ho Eéna ka baka la polelo ea mosali, seo A ba boleletseng sona, hoba E ne e le Messia.

²³⁵ Joale, haeba e ne e le pontšo ea Messia maobane, 'me A tšoana maobane, kajeno, le ka mehla, le kajeno pontšo e tla tšoana. Na ho joalo? Ba lumellanang le eona ba ba kae? Ehlide, e, e a tšoana. Ho lokile.

²³⁶ Joale, ana e tla be e le monna ea fapaneng? Che. O ne a rata, A lla, A bokolla, A robala, O kene nahathote, a ea tšoasa lihlapi, a etsa joalo ka mang le mang. E ne e le monna feela, lea bona, empa koana E ne e le Messia ea tlotsitsoeng.

²³⁷ Joale, joale re hopola koana Bibeleng, e re bolellang morao koana, teng re phetla Mangolo a mangata le ho paka hore Bibebe e tlaleha letsatsi le tlang “Letsatsi le ke keng la bitsoa bosiu kapa motšeħare,” letsatsi le saretsoeng feela, mekhatlo le kerekhe, ho lekaneng ho pholosoa feela, “empa nakong ea mantsiboea Leseli le tla ba teng.” Ba kileng ba e bala Bibeleng ba ba kae? Ehlide. Lea bona?

²³⁸ Joale, ka mantsoe a mang, letsatsi le chaba Bochabela le likela Bophirima. Lona letsatsi le chabang Bochabela, le likela Bophirima. Be, mohla Mora oa Molimo, M-o-r-a, a neng a hlaha Bochabela, bathong ba Bochabatsatsi. Tsoelopele e a haola, e haola le letsatsi, 'me re Lebopong la Bophirima hona joale. Ha u ka parola, u kena China, morao Bochabela hape. Ka baka leo Mora ea kileng a khantša Bochabela hona joale o khantša Bophirimela, ka kolobetso e tšoanang ea Moea o Halalelang, lipontšo lia tšoana, mehlolo e a tšoana, Messia o a tšoana. Na e

joalo? “Leseli le tla ba teng nakong ea mantsiboea, tselana e eang Khanyeng le tla e fumana ruri.” Ke hantle.

²³⁹ Re phela mantsiboea, Leseli la mantsiboea. Letsatsi le a likela. Messia o mahareng a rōna. Mora oa Molimo, ka sebolepho sa Moea o Halalelang, o har'a rōna. Na le lumela seo? [Phutheho e re, “Amen”—Mohl.] Na lea lumela ke mohlanka oa Hae? [“Amen.”] Lea lumela na seo ke le bolellang sona ke ‘Nete? [“Amen.”] Na le lumela pale ea Lengeloi leo maobane hoseng, letsatsi pele ho hoseng ha maobane? [“Amen”] Lea e lumela na? [“Amen”] Ka hona Molimo oa Leholumō, Molimo o hlahileng ho ‘na ka sebolepho sa mookoli oo, A ke a bue. ‘Me ’mele oa ka o khetheloe Eéna, moea oa ka, seperete, le kelello, li khetheloe khanya ea Hae. Eare ha ke batlana le mosamane oo oa ho qetela, ‘me ke tsebile e tla ba oa ho qetela, lekhatheng leo nako e le metsotsotso e merarō pele ho leshome botsekeng, ‘me ke ne ke itse e tla etsahala ka hora ea leshome.

Lea tseba, O itse, “Bolela seo u se batlang. Se tla hlaha joalo.” Ha A e-so hlolehe le ka mohla, e ka bang eng. “Bolela seo u se batlang feela.”

Empa khetlo la borobelci ha e ne e etsoa, e le ho mosali e monyenyan. O lutse motše mane hona joale, kea kholoa. Ke bona Moena Wright ea lutseng mono. Hattie Wright, mohla a kopelang ba babeli ba hae chil-.... Ke eo, hantle mono joale. Pholoso ea bana ba hae ba babeli, (ha ho joalo na?), ba le khahlano le eona a tilee. Ka re, “Ke u nea bana ba hao, ka Lebitso la Jesu Kreste.” Eaba ba itihela mafareng a hae.

²⁴⁰ Ed Daulton, mo-Baptise ea lutseng mona, ho tsoa tlase Kentucky, o lutse mona hantle. Bana ba hao ba bakae, Ed? Bana ba leshome le metso e ‘meli. O eme hantle mona, o ile a qella bana ba hae. Eaba ke tsoa moahong. Ed a boela a khutla; ka re, “Ed.”

Moea o Halalelang o ne o lutse holim’ka, ha thoe, “Mo fe eona. Mo fe.”

²⁴¹ Ka re, “Ke u fa bana ba hao.” E mong le e mong oa bona, o pholositsoe ‘me o kolobelitsoe. Ngoana oa hae o ne a lutse lapeng, a letile, a lla, o pholositsoe ho tloha a fihlile holimo mona. Moena enoa oa Baptise ea tsoang tlase koana.... Oh, oh, O babatseha ha kakang ha A bua!

²⁴² Hona joale ke ntse ke Mo kopa, khanya ea Hae, ho Ipontša, hore Ke Kreste, hore ke bolela ‘Nete.

²⁴³ Joale, e le hore e—e mosalumele a hloke fera ea ho baleha. Ke batla batho ba leng ka mona, ba kulang le ba hlokang, ba hlokang Molimo, bao ke sa ba tsebeng, baeti ba menyakong ea rōna, batho bao ke sa ba tsebeng, ba leng teng, ‘me u hloka Molimo, phahamisang matsoho a lōna. Batho hohle. Hoo, ho lokile, ka kakaretso hohle feela, kea kholoa. Batho bao ke sa ba tsebeng. Ha nka bitsa motho eo ke mo tsebang, eo eo ke mo tsebang ‘me le uena u ntseba, ‘me—‘me re tsebana, u se ke ua

bua letho, ikhutsetse feela. Haeba E le Mora oa Molimo, etsoe e le Eéna, 'me Molaetsa oa ka o lokile, 'me Lengeloi leo . . .

²⁴⁴ Eare ka metsotso e merarō pele ho leshome, ka re, "Oho Molimo, O ipontšitseng ka meokoli e merarō eo 'na nakoana e fetileng, ke metsotso e merarō. Ha ke bone mosamane oa letho. Ke metsotso e merarō, U tlameha ho ntlisetsa o mong." 'Me Molimo ke Moahloli oa ka, ke e bolela ke tiile ke behile letsoho la ka holim'a Bibele. Ha ke lumele ho hlapanya, Bibele ha e rialo; E re hanela enoa. Empa Molimo ke Moahloli oa ka, eaba sekoirele se matha se theosa ka sefate 'me sa lula hantle feela. Ha A e-so hholehe ka enoa le ka mohla; ha A e-so etse joalo. Bongata bo teng mona bo tsebang lintho tseo. Kea Mo tseba, 'ona Molimo oo, o teng mona.

²⁴⁵ Mono ho ntšitsoe litlankana tsa thapelo. Ha ke li batle. Re tla ba lumella ho rapelloa metsotsong e 'maloa, ba tla nyoloha ba kena moleng. Ha ke batle batho bao—bao ba mona, kapa seo e leng sona.

²⁴⁶ Ke batla baeti. Ke batla batho ba sa ntsebeng. Ke batla le hopole kelellong ea lōna, ke batla hore le nahane 'me le rapele, le ntse le re, "Molimo, monna eo ha a ntsebe."

²⁴⁷ 'Me tsatsi le leng mosali e monyenyane oa phallo ea mali o fohlide letšoele. A e na le phallo ea mali. 'Me o itse . . .

²⁴⁸ Mohla bao bohle ba reng, "Ke enoa! Mo shebeng! Mo-Galelea eo ke enoa," le joalo. Borabbi bao bohle le ba joalo ba eme mono, ho thoe, "Rabbi, re batla pontšo e tsoang ho Uena," le joalo ka mokhoa oo.

²⁴⁹ Mosali e monyenyane enoa o itse, "Kea lumela Ke Mora oa Molimo. 'Me kea lumela ha nka ama qola ea seaparo sa Hae, ke tla fola." Ba e tsebang ba bakae? O ile a Mo ama.

²⁵⁰ Ha se ka hobane e Mo hohlide; empa A ema a retoloha, ho re, "Ke mang ea Nkamileng? Motho o Nkamile." Mang le mang a hlile a thotse. Ha thoe, "Motho o Nkamile." Ha thoe, "Ke mang ea Nkamileng?"

²⁵¹ Eaba O qamaka ho fihlela a fumane mosajana eo. A ke ke a ipata. Ha e a fumanoa. A fumanoa 'me ha thoe, "Tumelo ea hao e u pholositse." Ha thoe, a bolelloa, phallo ea hae ea mali e pholositsoe bec- . . . lomahanya meno, ka hobane a lumetse, 'me tumelo ea hae e amile seaparo sa Hae. Le lumela seo? Ho lokile.

²⁵² Joale, na kajeno ke Moprista e Moholo ea lutseng letsohong le letona la Molimo, ho re buella holim'a maipolelo a rōna? Na Bibele e re Ke Moprista e Moholo ea ka angoang ke maikutlo a mefokolo ea rōna? Na ke hantle? Ho lokile, ha u kula, u qale u rapele, ho re, "Morena Molimo, ke sa tsoa utloa Molaetsa. Ha ke—ke tsebe monna enoa. Ke—ke ka har'a tabernakele mona. Ha ke kene koano, ena ha se kereke ea ka ea lehae. Ke tsoa nqa e 'ngoe. Ke tsoa ka ntle ho motse, ke tsoa nqa e 'ngoe. Ha ke tsebe

monna. Empa o a e bopa, e bonahala e hlaka hore ke Uena, 'me o boletse U ipontšitse eéna, ho paka Molaetsa ona o lokile, le ka moo U entsang lintho tsena kateng. Joale, ha ke tsebe monna, empa ke tseba Uena. Ka baka leo haeba a ikhethetse Uena, 'me U sebelisa 'mele oa hae ho bolela Mantsoe a Hao ka Seqo, e re a bue le 'na. E re ke ame seaparo sa Hao, Morena." Le ho bona haeba A sebetsa kapa che! Ho bona haeba E le Molimo.

²⁵³ Haeba E sa ntse e le Molimo, A ka sebelisa melomo ea ka ho bua mantsoe ao A ka a buang, hoba A se na melomo ha e se melomo ea ka le ea lōna. Ha A na mahlo ha e se a lōna. Ka hona O mpa a theoha feels le ho laola Kereke ea Hae ka 'mele ea rōna. Na le lumle seo? [Phutheho e re, "Amen."—Mohl.] Ho laola, ka Seqo! Ke seo A se buileng. "Mesebetsi eo Ke e etsang, le tla e etsa le lōna." Na e lokile? ["Amen."] "Mesebetsi e tšoanang, le tla e etsa." Ke eona mesebetsi eo A e entseng, o kholisa hobane E ne e le Messia. Joale, haeba E le Messia, 'me O joalo, ka hona, ha e le 'neta, e tla ba O etsa mesebetsi e tšoanang hona joale, ka Kereke ea Hae, sona seo A se entseng mohlang oo. Hoo ho e paka e lokile, ho sa tsotellehe malumeli a lōna 'ohle a mabitso-bitso. Oh, alleluia!

²⁵⁴ Moena Kidd le Khaitseli Kidd bathoana ba khale ba lutseng mona, bobeli ba bona, 'me lilemo tsa bona li mashome a robeli, ba ne ba rera le pele ke tsoaloa. Ke enoa o ne a robetse hoseng ho hong, a bolaoa, ke mofetše, lilemong tse ka bang peli tse fetileng, a sehoa prosetate ea hae; holimo koana Ohio. Ebile metsoalle ea ka e tlotsoeng mafura. Khaitseli Kidd a ntetseta, ho re, "Billy, u mpe u potlake. Feela o a shoa, ho shoa hona joale hantle." 'Na le Billy ra batla re tukisa koloi eo ea ka ea letsoho labobeli ha re nyoloha, re habile teng.

²⁵⁵ Eare ha ke kena phaposing, hang ha ke fihla mono, Moea o Halalelang oa bua, "HO RIALO MORENA."

²⁵⁶ Ke eo o eme, e le paki ea khanya ea Molimo, esitile a ferekantse ngaka ea hae ka botlalo. Ke feels, Ke Molimo! Na be nka etsa joalo? Che, monghali! Mantsoe a ka ha a fetise a motho ofe. Empa eo e ne le HO RIALO MORENA! Amen.

²⁵⁷ Lilemo tse ngata tse fetileng, tlase lithabeng tsa Kentucky, Kerekana ea khale ea Molimo, kapa tse ling tsa tsona, ba roalla holimo le tlase mosikong oa maralla, ba pola poone ka selō sa mofuta, le 'mē oa khale Kidd, o fepa sehlopha sa bana; a hlatsoa ka bate, ho romela mohatsa'e ka ntle tšimong.

²⁵⁸ 'Me ke bana lilemong tsa bona tsa bo-mashome a robeli, ba lutse holimo mona kajeno, ba ntse ba thabela Evangeli ea Jesu Kreste, ba qhoba limaele tse lekholo le ho hong ka Sontaha hoseng, Sontaha se seng le se seng ha ke rera mona, haeba ba utloela ka eona. Ehlide, re ba romella memo, Ba batla ho tla. Ho bokoe lipeloana tsa bona tsa khale. Ke hantle. Ke batla motho e

mong le e mong ka mona a ba tsukutle ka letsoho hoseng hona, haeba ba khona, ho ba hlohonolofatsa.

Joale rapelang.

²⁵⁹ Oh, ke thabile haholo ho Mo tseba e le Molimo. Ke maikutlo a makakang! U re, “U khinnoe ke’ng, Moena Branham?” Ke emetse Eéna. Ke e . . . Esale ke rera. Ena ke tlolo e sele.

²⁶⁰ ’Me haeba A ka fihla ho e phethisa, ba ba kae ka mona, ba kulang ke hona, ba tlang ho Mo amohela joalo ka Mophekoli oa bona? Phahamisang matsoho a lōna feela, batho bohole ba kulang, haeba A tla khona—haeba A tla e etsa. Phahamisang matsoho a lōna, mang le mang ea kulang, ea khonang ho bona Messia eo, Kreste, o mahareng a batho, ho bua.

²⁶¹ Rapelang. Lumelang. Ke tla hlomonholofatsa lephako *lena* la ntlu. Ke fumana bongata bo rapelang. Ke bona tlolo.

²⁶² Shebang. Ba utloileng taba eo ba ba kae, Topallo eo ea Mollo mono, eo mahlale a e fehileng Washington, DC? Lea e tseba. Setšoantšo sa Eona ke sena, hantle mona, eona Topallo ea Mollo e tsamaisitseng Moshe. Athe esitile le mahlale a boletse, “Tsatsi le leng e tla beoa bobolokelong ba thepa. Ke bona feela Boleng bo kileng ba katlatsoa setšoantšo.”

²⁶³ Lona Lengeloi leo le teng hantle sefaleng sena hona joale. Le ka e batla. Ke le phepetsa ho e lumela. Lōna batho ba ka ntle, le lumele.

²⁶⁴ Joale ke tlameha ho Le bea leihlo moo le eang teng. Le apare tšabo, e mong le e mong, ka pel’á Sefahleho sa Hae, Hlollo eo.

²⁶⁵ Ke bona monna. Ke ena. O lutse ho le letše hali la ka, hantle motšeо mona k’honeng. O jeoa ke disaenase le mala. Na u lumela ka pelō eohle ea hao. Ke moeti ho ’na. Ke Mong. Wells. Ke lona lebitso la hao, Mong. Wells. Ha u tsoe mona. Tulo ea hao e bitsoa Aurora, Illinois. Ke ’nete. Na ke ’nete? Ke molata ho uena. Haeba e lokile, phahamisa matsoho a hao. Ema ka maoto a hao. Jesu Kreste o a u phelisa.

Lea lumela joale? “Ha u ka lumela.”

²⁶⁶ Joale, mono, mothaka eo, ke e-so ’mone bophelong ba ka, ’me ke molata ea shoetseng har’á rōna. O tsoa lebatoeng le leng. ’Me Moea o Halalelang, joale, sohle seo O ’moleletseng sona, nke ke ka se tseba pele ke boela ke nka teipi. Ke tlolo e lulang holim’á hao. Feel a monna eo o a tseba.

²⁶⁷ Seo u se boleletsoeng ke ’nete. Na e lokile, monghali? Yaa. Ha re tsebane. Ke eo, eéna e ke e be paki ka seqo sa hae.

Ke mang ea entseng hoo? Messia, Kreste.

²⁶⁸ Leleiti ke lena le lutse motšeо mona, har’á batho, hantle mona. Na le bona Leseli leo le holim’á hae? O hlopchoa ke letlalo. Mof. Pitman, u tsoa Owensboro. Haeba u le molata, tsokotsa letsoho la hao. Na lintho tseo li lokile? Tsokotsa letsoho la hao.

Molimo o u folisitse. Ha ke e-so bone mosali le ka mohla, le joale, ke pono feels.

²⁶⁹ Hore le tle le tsebe, hantle hojana le uena ke mosali ea bitsoang Ellis, Mof. Ellis, mosali e mocha. O na lefu la mafumahali. Le eéna ke molata. Haeba e lokile, tsokotsa letsoho la hao. Na ke 'mé oa hao eo ea lutseng pel'a hao mono? Mono ho lutse leleiti, o jeoal ke letsoalo, marang-rang a letsoalo a mo apere. Ha e le 'nete, phahamisa letsoho la hao, leleiti. Ho lokile. Letsoalo le nyametse. U ikela hae, oa phela. Ke u phepetsa ho lumela.

²⁷⁰ Motšeо koana ka morao, k'honeng, motšeо koana, monna ea tsoang Minnesota, ea jeoang ke mokokotlo. Lebitso la hao ke Mongh. Carson. Ema ka maoto a hao. Bothata ba mokokotlo oa hao bo nyametse. Jesu Kreste o a u phekola.

²⁷¹ Hantle morao *mona*, ho na le leleiti le sotlehang. O tsoa ka ntle ho motse. O tsoa tulong e bitsoang Blue Island. O jeoal ke pelō. Mono ke pel'a Chicago. Mof. Braiden, ema, amohela pholiso ea hao. E-ea hae 'me u phele, ka Lebitso la Jesu Kreste.

²⁷² Na le ntse le lumela? [Phutheho e re, "Amen."—Mohl.] Ho thoeng ka lephakong *lee*? Na lea tseba eo ke Messia? Ka moo monna a tsebang?

²⁷³ Batho bana bohole ba bitsitsoeng, ha kana, ba ntseba ke sa tsebe letho ka lōna, phahamisang matsoho a lōna, lōna batho bohole ba bitsitsoeng, ka mathoko. Lea bona mono?

²⁷⁴ Motho o teng ka mora' ka, ea rapelang, morao, koana ka phaposing. Ke mothaka ea mocha, ea hlooho e khanyan, o rapella motsoal'ae koana Kansas, o tšoeroe ke mofetše. Tsoela kapele monyako. E-ba le tumelo ho Molimo. U a lumela na?

²⁷⁵ Elmer, e amana le uena ka ho hong. Ke bona ntatao a lutse mono, mohats'ae. Khatello e holimo ea mali. Haeba u lumela, Molimo o tla u folisa. Ha ke tsebe. Ke hantle. Ha se eona? U lumele ka pelō ea hao eohle.

²⁷⁶ Lea lumela na? Na lea lumela Jesu Kreste ke Messia? [Phutheho e re, "Amen."—Mohl.] Na lea lumela Boteng ba Hae bo teng mona? ["Amen."] Le hopole, mohla mosali ea mong a amang seaparo sa Jesu, O ile a fokola. Molemo, matla, a tsoile ho Eéna. Ke se ke batla ke felile. Lea lumela na? ["Amen."]

Ha ho le joalo ha re inamiseng lihlooho tsa rōna nakoana feelsa.

²⁷⁷ Oho Jesu, Messia oa Molimo, Uena u haufi. Batho ba lemoha hobane U Mora Molimo, hore U teng mona joale. Mehlolo le meeka ea Hae e meholo e a pakoa. Ba hlohonolofatse, Ntate. Ba hlohonolofatse, kea rapela. Hantle hona joale ba lumele, ka pelō ea bona eohle, hore Uena, u Messia, ke Uena ea emeng mona. Ha ho ea ka etsang seo. Ke taba e ka sitang motho eo, Morena. Mohlolo, ho bona matla a Messia a kena tulowaneng, e ithobileng

tjena, hobane U e tšepisitse, Morena. Hobane, mohau oa Hao o teng ho re hauhela. Hobane ke tšepiso ea Hao ho e etsa, U e entse. Rea bona hobane ha U tlohele batho ba Hao.

²⁷⁸ Joale, Ntate, Molimo, bao ba tšoereng litlankana tsa thapelo, ba kenang moleng oa thapelo, ba ke ba fuoe tumelo ho lumela. Oho Molimo o Matlaohle, e tle re ha ba beoa matsoho, ba kene ka mona, ba nyakaletse, ba hoeletsa, ba rorisa Molimo, ba re ba folisitsoe. Aba sena, Morena.

²⁷⁹ 'Me bao ba pholositoeng, ba tseba ho Molimo ho se makunutu. Molimo o senola makunutu a pelō; O tseba mohopolo o mong le o mong oa kelello ea rōna. Aba sena, Ntate. Re e kopa ka Lebitso la Jesu Kreste. Amen.

²⁸⁰ Joale, lōna ba tšoereng litlankana tsa thapelo, ka ntle koana letšoeleng, lōna batho ba tabernakele, tikolohong *mona*, ba tšoereng litlankana tsa thapelo, na le a lumela? Phahamisang matsoho a lōna. 'Me le lumele hore ha se motho ea ka etsa hoo. E tlamehile ho tsoa ho Molimo. Na le e lumela e le tšepiso e tsoang ho Molimo, hore Molimo o itse O tla e etsa? [Phutheho e re, "Amen."—Mohl.] Ho lokile. Ha ho le joalo lea tseba hore Mong o teng mona eo e seng motho.

²⁸¹ Ke nka Lentsoe lena ke hlabe hile, pel'a Molimo. Batho ba boleletsoeng, hore e ne e le mang, ha ke ba tsebe, le bona ha ba ntsebe. Ke baeti ba itseng khalo tabernakeleng mona, hohle moo ba neng ba le teng.

²⁸² Ke bona lipono tse 'maloa holim'a batho ba tabernakeleng mona, empa ba tloheleng, yaa, ba tloheleng feela.

²⁸³ Batho bao ba bitsitsoeng, hore e ne e le bo mang, hore ba bang ba bone hobane le baeti, phahamisa letsoho la hao. Lea bona? E mong le e mong, bohole basele.

²⁸⁴ Ntho ha e phetse ho mphuluha. Ka pel'a ka ho hlaha leleiti la 'mala, ka linako tsohle, o jeoa ke athraetisi le khatello e holimo ea mali. E. U moeti har'a rōna. U tsoa Memphis, Mof. Sals. Ke lona lebitso la hao. Ke khetlo la hao la pele mona. Na u lumela Morena, ka pelō eohle ea hao? U ka ea lapeng 'me oa bolokeha, ho folisoa. Molimo o mo tlosetsa eona.

²⁸⁵ Lumelang ka pelō ea lōna eohle, e mong le e mong. Phahamisang matsoho a lōna joale, e mong le e mong. Le lumele ka lipelō tsa lōna tsohle. Beanang matsoho holimo.

Tloo koano, Moena Neville. Tloo koano, o hlahise thapelo.

²⁸⁶ Re sa inamisitse lihloooho tsa rōna, Moena Neville o tli'lo rapela.



MOLAETS A O A MOHAU SST61-0827
(The Message Of Grace)

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, Phato 27, 1961, Branham Tabernacle, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org